

NYEOE

 Bakeng sa palo ea Lengolo, thapama ena, ho tsoa Bukeng ea Mareka, khaolo ea 16 ea Mareka. 'Me ke batla hore le eme, ka Libibele tsa lona, re sa bala Lentsoe la Molimo. Mareka 16, ho qala ka temana ea 9.

Eitse hobane Jesu a tsohe e sa le hosasa ka tsatsi le galang veke, a itlhahisa ho ea ho Maria Magdalena pele, bao a neng a lelekile batemona ba supileng ho bona.

A ea a bolella ba neng ba ena le eena, ba ntse ba hlomohile ba lla.

'Me, ha ba utloa hore o a phela, le hore o bonoe ke eena, ha ba ka ba lumela.

Ka mor'a moo a hlaha ka libopeho tse ling, tsa ba babeli . . . (Ntšoareleng.)

Kamora tseo a iponahatsa ka sebopaho se seng ho ba babeli ba bona, ba ntse ba tsamaea, ba ea naheng.

Le bona ba ea ba bolella ba bang: le bona ha ba ka ba lumela . . .

Kamora moo, a iponahatsa ho ba leshome le motso o mong ba lutse lijong, a ba khalemela ka ho se lumele ha bona le bothata ba lipelo, kahobane ba sa ka ba lumela ba 'moneng a tsohile.

² Na seo hase setšoantšo kajeno! Ha ba lumele hore u paki ea tse joalo.

'Me a re ho bona, E-eang ka lefatše lohle, 'me le bolelle babopua bohle evangeli.

Ea lumelang 'me a kolobetsoa o tla bolokeha; empa ea sa lumeleng o tla ahloloa.

³ Taba eo e rala mola feela, lephako le leng kapa le leng.

'Me mehlolo e tla tsamaea le ba lumelang ke eona ena; Ka lebitso la ka ba tla leleka batemona; ba tla bua ka maleme a macha;

Ba tla tšoara linoha; 'me leha ba noele ntho e bolaeang, e ke ke ea ba etsa letho; ba tla bea matsoho holim'a ba kulang, . . . ba tla fola.

Joale hoba Morena a bue le bona, a nkeloa leholimong, 'me a lula ka letsohong le letona la Molimo.

Eaba ba tsoa, . . . rera hohle, Morena a sebetsa le bona, . . . ho tiisa lentsoe ka lipontšo tse latelang. Amen.

Ha re inamiseng lihlooho tsa rona.

⁴ Morena, re a lumela ena ke thomo ea ho qetela ho kereke. Re lumela hore Lentsoe le ne le etsoe nama 'me la aha hara rona. 'Me re lumela hore motho ha a fete lentsoe la hae ka boholo, ka baka leo re lumela hore Lentsoe lena ke Uena. 'Me re lumela hore ke Uena, etsoe, eena maobane, kajeno, le kamehla. Tloo, kajeno, oho Ntate Molimo, ka sebopeho sa Lentsoe, ho rona, 'me a batho ba bone hore U Kreste ea tsolaheng, le ho tsoha letsatsing lena la ho qetela, ka sebopeho seo U boletseng U tla ba ho sona, Lentsoe le bonahalitsoeng. Mohla U ne u le lefatšeng, U ne u le Lentsoe le porofetiloeng, le bonahatsoang ka sebopeho sa motho. 'Me Lentsoe le porofetetsoe tsatsi lena. Tloo, Morena Jesu, le ho re tlisetsa Lona, kajeno, Lentsoe. Itlhalosetse Lentsoe la Hau, re tle re abeloe "thabo e ke keng ea boleloa, e tletseng khanya." Haele moo re U fumane u le monate, 'me re fumane Mantsoe a Hau e le 'nete a tiisitsoe lipelong tsa rona, hore re tlohile lefung ho kena Bophelong.

⁵ Rona bohole ba tsoetsoeng ke sefate se le seng seo tšimong ea Edene, se neng se thibetsoe ho angoa, mosali, hobane ha ho bophelo ho eena; ke lehe feela. Bophelo bo tsoa ho Monna, eo e neng e le Kreste. 'Me re tsoetsoe ke mosali, 'me, joalokaha Bibebe e re bolella, "oa matsatsi a se makae, a tletseng mahlomola le matšoenyeho."

⁶ Ntate, le rona re tsoetsoe ke moabi- Bophelo, ho tsoa ho Monna. E tona e tla ho e tšeħali, 'me lefi le tsoa ho e tona; joaloka ha Moea oa Hau o ne o khurumetse moroetsana, 'me ka popelong ea hae ha boptjoa sele ea Mali; sele ea Mali, e seng Bojuda, e seng Molichaba, empa Molimo, Mali a bopileng. Maling ao, re behile litšepe tsa rona. E ne e se a mosali, leha e le a monna; e ne e le a Molimo.

⁷ Kahoo re a rapela kajeno, Morena, haele moo re ipona re le banka-kabelo sefateng sa mosali, 'me bohole re tlameha ho shoa hobane ho mosali ha ho bophelo, joale hape, Ntate, re filoe monyetla oa ho nka kabelo ho Monna-Sefate, sona e ne e le Kreste. 'Me joale, ka Eena, re fuoa Bophelo, Bophelo, Lentsoe, le etsoang Bophelo hara rona. Aba sena, Morena, lintho tsena li tle li fetoloe 'nete hakaalo ho Kereke, ba tle ba bone, 'me re tla utloisia hora eo re phelang ho eona.

⁸ Folisa ba kulang le ba mahlomoleng. Ho se be le motho ea fokolang hara rona, thapama ena, ha tšebeletso ena e koalao. E ke e hopoloe halelele hakana har'a batho! A bahlanka ba Hau, e— e balisa, baalosi, ba ke ba susumetsoe hakana hofihlela likereke tsa bona li hlanamisoa 'me ho tšoaroa litšebeletso tse kholo, le ho qala tsoseletso ea mehla-ea-khale hona motseng ona, har'a bona, e tla haola le naħa le sechaba, esita le lefatše bophara. Aba sena, Morena. U tšoere linotlolo tsa thapelo ena letsohong la Hau. Re thus, re a rapela, ka Lebitso la Jesu. Amen.

Le ka lula fatše.

⁹ Molimo o tlameha ho lihela kahlolo holim'a lefatše. 'Me Molimo o tlamehile ho tšoara selo mona, folaga, ho ahlola lefatše ka eona, hoba ekabeba ke ho hloka toka, ho Molimo, ho ahlola lefatše, athe lefatše ha le tsebe folaga eo le e sebelisang. Ba bakae ba lumelang hoo e le 'nete? Efela ha kereke e le folaga, ke efe? Lentsoe, Molimo o boletse O tla ahlola lefatše ka Jesu Kreste. Ke Lentsoe. "Lentsoe le ne le le tšimolohong, Lentsoe le ne le le ho Molimo, 'me Lentsoe e ne e le Molimo. Lentsoe le ne le etsoe nama 'me la aha har'a rona." "Eeena maobane, kajeno, le kamehla."

¹⁰ Joale ke batla ho bua le lona thapama ena ka temana e hlollang haholo, e ka ba joalo ho lona. Empa, temaneng ena, ke tla emisa Morena oa ka e—e nyeoeng e loketseng. Ha ke hopole A ahloletsoe ka nepo mohla nyoe pel'a lekhotla la Pilato. Ha ke—ha ke lumele A ile a—A ile a ahloleloa ka nepo, ka baka leo Mo fihletse a le molato, 'me A tsuoa 'me A ba a thakhisoa. Empa re tla nka khato, thapama ena, nyeoeng ena.

'Me u re, "Na ebe u ka Mo emisa nyeoeng?"

¹¹ Haeba A sa lutse e le Lentsoe, re ka Mo emisa nyeoeng, hoba e sa ntse E le Lentsoe. 'Me re ka Mo emisa tsekong. 'Me ke batla ho bona hore lekholtleng lena, thapama ena, re sa ntse re nka moaho ona ho bapisa lekhotla, re batla ho Mo bona a ahloleloa ka ho loka, e bang e le molemong oa Hae kapa khahlano le Eena. Re batla ho nehela mahlakore a mabeli ao. 'Me ka hona, lebakeng lena, ke batla ho Mo tsekisa, eena e leng Lentsoe.

¹² Joale, Lengolo lena leo ke sa tsoa le bala, Mareka khaolo ea 16, esita le Ngaka Scofield mona o re, "Ho qala ka temana ea 9 ho ea pele, ha e fumanoe lingoloeng tse peli tsa khaleng ka ho fetisia." Ka tloaelo batho ba lumela, ho thoe, baruti ba rona kajeno ba batlang ho e lumela joalo, ho thoe e kentsoe mono ke Vatican.

¹³ Empa ke fumana Irenease le bangoli ba bangata ba mehleng ba lebisa ho Mareka 16. Joaloka lōna batho ba hlahlobang nalane, nalane ea Bibele, le tseba hobane baapostola bao ba mehleng, esita le ka mor'a lefu la Jesu, 'me mohla Polikapo, le Irenease, le Santa Martin, le Santa Columba, le bao bohle, ba buile ba lebisa morao ho Mareka 16 ena. E tlameha ebe e nepahantsoe, ho seng joalo ba ba ba sa tl'o lebisa ho eona. 'Me Santa Johanne e ne e le eena ea kopantseng liepistole 'moho, 'me Polikapo e ne e le motsoalle e moholo 'me o mo thusitse, ho latela nalane.

¹⁴ Joale kajeno re ba fumana ba sa lumele hoo. Ba ntse ba leka ho fapoha bonnete ba hore Molimo o tiile ruri; sebakeng sa hoo, ke maipolelo a tumeloana. Molimo oa manneta, khaolo ena e ne e tla e paka joalo, le bopaki bofe boo ba ka bo fumanang.

¹⁵ Joaloka mosuoe ea itseng e moholo, mopresidente oa Mishone oa Sudan, mohatsa ka e monyenyane mono o ne a le teng mohla

a nketetseng tulong ea ka, Paris Reidhead. 'Me a re, "Moena Branham, haeba ke utloisia u ne u le Mobaptise."

Ka re, "E, monghadi, ke hantle."

¹⁶ 'Me a re, "Be," ho re, "ke batla ho u botsa taba." A re, "Enere ke sa le moshanyana," ho re, "ka na ka fuoa boiphihlelo. 'Me 'mè oa ka o ne a hlatsoa le ntho eohle, ho nthomella sekolong. 'Me ka nahana, ehlile, mohla ke neng ke apesoa B.A., hore ke tla fumana Kreste." A re, "Hore, eitseha ha ke apesoa hoo, ha ke a ka ka E fumana. Mohla ke ne ke apesoa Ligarata tsa Bongaka, ka hopola ke tla E fumana. Mohla ke ne ke apesoa LLD ea ka, ka hopola ke tla E fumana." A re, "Moena Branham, ke otiloe ka mangolo a lekaneng, a kapeso le—le a tlotlo, nka lila marako a hau ka ona. Empa Molimo oa Bibele o hokae?" A re, "Na baruti ba ne ba fositse?"

Ka re, "'Na ke le mang ho tlaleha baruti ba ne ba fositse?'

¹⁷ A re, "Be, ha ke utloisia, u se u fetohile Mopentekosta."

¹⁸ 'Me ka re, "Be, ha ke re ke . . . ke a lumela, mohla ke ne ke tsoalhoa 'Musong oa Molimo, ho a hlaka hore ke ile ka fetoha mopentekosta," ka re, "hobane pentekosta ha se mokhatlo. Ba lekile ho e etsa ona, empa hase ona. Molimo o tla tlatsa Mopresbeteriene, Moluthere, leha e ka ba u mang. Le a bona, ka hona ke boiphihlelo 'me ha se mokhatlo. U ke ke ua e hlophisa. Ke phihlelo."

¹⁹ 'Me a re, "Be, ke batla ho u bolella se etsahetseng." A re, "Ho tsoa India, matsatsing ana, ba romela batho koano ho thola thuto ea bona." Ho re, "Sekolong sa rona, ho ne ho fihle moshanyana ea khabane oa Moindia 'me a thola thuto ea hae. 'Me eitseha a khutla . . ." Ke kholoa e ne e tla ba, ha ke nahana, enjenere ea motlakase kapa ho hong. A re, "Empa eitseha re . . ."

²⁰ Ba ne ba hlomme sekolo joalokaha Moena Oral Roberts a se hlomile holimo mono. Ba ruta boenjenere le eng hape.

²¹ Kahoo a re, "Tseleng e khutlang, 'na le moreri e mong, ra re ho eena, 'Joale, ho khutlela India . . .'" 'Me le a tseba e—e Maindia a rapela Mohammed. 'Me a re, "'Hobaneng u sa tele moporofeta oa hau oa khale ea shoeleng, le ho amohela Morena Jesu ea tsohileng bafung; le ho khutlisetsa Molimo oa 'nete India, le ho bolella batho ba heno?"

²² A re, "Mongh," a re, "Morena oa hau Jesu a ka nketsetsa hofe ho fetisang seo moporofeta oa ka a se etsang?"

²³ 'Me a re, "Be, Morena Jesu oa ka a ka u fa Bophelo Bosafeleng. Ke tsepiso e Lentsoeng."

²⁴ A re, "Moporofeta oa ka, Mohammed, o tsepisitse hona hoo, lentsoeng la hae."

²⁵ 'Me a re, "Be, u a bona," a re, "Morena oa ka Jesu o tsohile bafung. Moporofeta oa hau o lebitleng."

²⁶ A re, “Ana O tsohile bafung?” Ho re, “Le fuoe lilemo tse likete tse peli ho e kholisa, ’me lipheresente tse mashome a robeli tsa lefatše ’me ha li eso utloe ka eona.” A re, “Ere Mohammeda a tsohe bafung, ’me lefatše lohle le tla tseba, lihoreng tse mashome a mabeli a metso e mene.”

²⁷ Joale, a re, “Be, sheba,” a re, “Jesu o tsohile bafung.” A re, “Nka e paka hobane O phela pelong ea ka,” ha rialo Mokreste.

²⁸ ’Me Mohammedane a re, “’Me, monghali, Mohammeda o phela pelong ea ka.”

A re, “Empa, le a bona, re na le matla le nyakallo.”

²⁹ A re, “Monghali, bolumeli ba Mohammeda bo ka pheula saekholozi e kaalo ka ea Bokreste.” ’Me hoo ke ’neta.

³⁰ Ke ba bone ba robetse seterateng ba hoeeletsa, “Allah,” ’me ba haptjoa maemong a makana, ba ka nka . . . ’Na le Billy re kile ra ema ra shebella monna a totometsa sabole hantle tlas’ a pelo ea hae; eaba ngaka ea fihla mono e tšela metsi a phorosela teng, ’me ea tsoa; ho e hula, ’me e sa ka ea mo lematsa. Ho ba bona ba nka litsenene, tlas’ a manala a bona ’me ba li totometse ba a phunye, le ho phunya linko tsa bona ka lilope, ’me ha ba utloe letho kapa ha ho rothe le phophi ea mali. Ba ka hlahisa saekholozi e fetang ea Bokreste.

³¹ ’Me Mongh. Reidhead a re ho ’na, ho re, “Ka tseba hobane ha ke qoqe le moshanyana oa maobane. ’Me a re, ‘Rona Mahammedane re ntse re lebeletse.’”

³² Joalokaha ba entse ho moena oa rona oa senatla, Billy Graham, le e balile pampiring, mohla Mohammedane a neng a atamela Mongh. Graham, le ho re, “Nka bakuli ba mashome a mararo, le ’na ke tla nka bakuli ba mashome a mararo; ’me u folise mashome a hau a mararo, ’na ke tla folisa mashome a ka a mararo ka Mohammeda,” le a bona, Mongh. Graham o ile a baleha temeng. A sitoa ho mo araba.

³³ Ha ke lumele hore nka be ke entse joalo. Ke ne ke tla etsisa bana ba Baheberu, “Molimo oa rona o bokhoni ho re loela mona.” Hobaneng a sa ka a romela, ho ea lata Oral Roberts kapa motho e mong? Haeba a ne a sa lumele Hoo, e-ea lata motho ea neng a E lumela. Empa, le a bona, ho latela mekhatlo, oh, ba ne ba mo kharameletsa kantle hona hoo. O tlameha ho etsa mosebetsi.

³⁴ Leha ho le joalo, eaba o re, “Rona, koana India, mohla re le bonang lona—lona Bakreste le hlahisa seo Jesu a itseng le tla se etsa,” ho re, “ke mohla re tla le lumela.” A re, “O boletse A tsohile bafung, ’me batho ba ne ba tla e tseba hobane le ne le tla etsa mesebetsi e tšoanang le eo A e entseng.”

“Be,” a re, “re etsa mesebetsi e meholo.”

³⁵ A re, “Ha ke a re ‘e moholo.’ Ke mpa ke batla ho bona mesebetsi eo A e entseng, pele.” Khele, u a bua, u a tseba hore ha u bue le mothoana oa mofuta mona tlase koung, ha u bua le e

mong oa baithu- . . . bona le thutabomolimo ea bona. Kahoo a re, “Re batla ho bona mesebetsi eo A e entseng.”

“Oh,” a re, “mohlomong u bua ka Mareka 16?”

³⁶ A re, “E, monghali. Leo ke le leng la ’ona, thomo ea Hae ea ho qetela ho kereke.”

³⁷ A re, “Be, joale, ua bona,” ho re, “batho ba bangata ba lumela khaolo eo ka bohlaha.” A re, “Empa re ithutile, baithuti ba hatetseng pele sekolong, ho thoe Mareka 16, ho qala ka temana ea 9 ho ea pele, e hlile ha e a boluleloa.”

³⁸ A re, “Khele, Mongh. Reidhead!” A re, “Karolo e bululetsoeng ke efe ke hona?” A re, “Mohlomong kaofela ha Eona ha e a bululeloa. Korane eohle e bululetsoe. U bala buka ea mofuta mong, e bitsoang Bibebe?”

³⁹ A re, “Ke ne ke lekantse pelong ea ka ho tla tla bua le uena. Yaa, ke ne ke tla qoqa le uena.”

⁴⁰ Ke moo. Efela haeba *Sena* se sa bululeloa, joale ho ka thoeng ka karolo ea Lona e setseng?

⁴¹ E nkhopotsa mofumahali e mong mane Chicago. Moshanyana oa hae o kile a ea seminaring, ho ithutela boreri, sekolo sa mofuta sa Bibebe le seminari. ’Me eare a sa tsamaile, ’me oa khale a hla a kula haholo. Kahoo ba romella moshanyana polelo ho ‘lula a mametse,’ ’m’ae a tšoeroe ke feberu e matla, a tšoeroe ke pneumonia, le ho bolela (eena) e—e ka ba mohala oa tšohanyetso. Eaba moshanyana o phahlela liaparo tsa hae ’me a itokisa. Qetellong, letsatsing le hlahlamang, ha a hlola a utloile molaetsa bosiu bohole, ’me letsatsing le hlahlamang, ho re, “Tsohle li lokile.”

⁴² Kahoo ha e batlile ho ba selemo hamorao, a boea sekolong Bochabela, sekolahali sa mofuta sa thuto. ’Me a fihla hae a lumelisa ’ma’e ea ratehang, ’me a re, hoba ba qoqe nakoana, a re, “Mè, ha ke eso fumane monyetla oa ho u botsa se etsahetseng.” Ho re, “Bosiung bo bong ba ile ba mpolella ‘ho ema ke mametse,’ ’me hoseng ho hlahlamang, ha thoe u ‘phetse hantle.’” Ho re, “Ke sethethefatsi sefe seo e—e ngaka e ileng ea se sebelisa?”

Ho re, “Moratuoa, ngaka ha ea ka ea sebelisa letho.”

A re, “Be, u khonne joang?”

⁴³ Ho re, “U tseba moo mishonenyana oo o leng teng tlase mona holim’ a . . . o batla o le chebeleng koana, mono sekoereng?”

“E.”

⁴⁴ Ho re, “Ho ne ho ena le mofumahali. Ba ne ba tšoere tšebeletso ea thapelo tlase mono, bosiung bo bong, kahar’ a mishonenyana ona, sehlotšoana se ikokobelitseng sa batho, le,” ho re, “e mong oa bona o ile a susumetsoa ho nyoloha le ho tla mpona. ’Me ha fihla basali ba babeli, ’me ba mpotsa haeba ba ka tlisa molisa oa bona le—le ho nthapella, le ho ntlotsa ka oli, le—

le,” ho re, “le ho mpheha matsoho, ke tle ke fole.” Le ho re, “U a tseba, ka ba bolella ‘ehlile bo.’ ’Me eaba ba nyolla molisa, ’me a mpheha matsoho, ’me a rapela.” Le ho re, “Moratuo, o e balile hantle ho tsoa Bibeleng, Mareka khaolo ea 16, ha thoe, ‘Mehlolo ena e tla tsamaea le ba lumelang.’” Le ho re, “U a tseba ke’ng? Hoseng ho hlahlamang, keha ngaka e hloletsoe hona, e sa tsebe seo e ka se etsang. Feberu e ne e nyametse.”

⁴⁵ “Oh,” a re, “’mè, ha u a iteanya le sehlopha seo, ha ke re?” A re, “Bona,” a re, “rona sekolong, re ithutile hore Mareka 16, ho qala ka temana ea 9 ho ea pele, ha e a bululeloa.”

A re, “Ho bokoe Molimo!”

⁴⁶ “Hobaneng,” a re, “’Mè, u a qala u itšoara joaloka batho bao.”

⁴⁷ A re, “Ke ne ke mpa ke nahana taba e ’ngoe feela.” Ho re, “Haesale ke bala Bibe, hohle, le litšepiso tse ling libakeng tse ling, hape, tse tšoanang le tseo.” Le ho re, “Ke ne ke mpa ke nahanne feela, efela ha Molimo o ka mpholisa ka ntho e sa bululeloang, ebe A ka etsa’ng ka ntho e bululetsoeng kannete?” Ke hantle.

⁴⁸ Ho ’na, ntho eohle e bululetsoe. Molimo, mphe tumelo ho e lumela le ho e thasisetsa!

⁴⁹ Joale re tla fetohela joale, metsotsong e ’maloa feela, nyeoeng ea lekhotla. Joale, hopolang, re kena phaposing ea lekhotla, ho emisa Jesu, Molimo, temeng mona, le ho Mo ahlola ka toka. E sa ntsane e le Lentsoe, esita le la letsatsi lena, (le a e lumela?), joalo feela ka ha E ne e le Lentsoe mohlang oo. [Phutheho e re, “Amen.”—Mohl.]

⁵⁰ Joale, nyoe ena, sesosa sa eona, ke—Lentsoe la litšepiso tsa Molimo khahlano le lefatše. Joale hlophisa malulo ka nepo ho seng joalo u ke ke ua e tšoara. Lebaka la qoso ena, ke ho roba tšepiso, “Molimo ha o boloke Lentsoe la Oona.” Ke ho roba tšepiso. Ua tseba hore na ke eng.

⁵¹ Joale, kamehla re fumana mochochisi a tlameha ho emela naha, ke a kholoa, mochochisi. Haeba ramolao a lutse mona, ke a tšepa ke e fumane hantle. Mochochisi o tlameha ho emela naha. Kahoo mochochisi nyeoeng ena ke diabolose, ea qosang Lentsoe la Molimo.

⁵² Moqosua oa Lentsoe lena, ke Molimo ka Sebele, hoba Eena ke Lentsoe.

Paki ea Moqosua, tsekong ena, ke Moea o Halalelang.

⁵³ ’Me e—e mochochisi o tšoere lipaki tse itseng mona thapama ena. ’Me lipaki tsena, e mong oa bona, ke Mongh. Mosalumele, ea latelang ke Mongh. Mobelaeli, ’me ea latelang ke Mongh. Mohlakamamello. Ba tla tlisoa kalaneng, le ho hlapantšoa, le ho lekoia.

⁵⁴ Joale malulo a lekhotla le a fumane, Molimo o qosoa ke lefatše, hobane, “Ha O boloke Lentsoe la Oona.” ’Me mochochisi o emela ’muso, o emelang lefatše. ’Me mochochisi ke liabolosi, ea latolang hore Lentsoe le lokile.

⁵⁵ ’Me mochochisi, lipaki tsa hae, o emisa lipaki tse tharo khahlano le Lentsoe la Molimo. ’Me ho e paka, o tla le pakela eona, thapama ena, ho re, “Molimo ha o boloke Lentsoe la Oona, ’me ha Le a—ha Le a lokela ho thetsoa. Hase ’nete feela. Ha ho ’nete ho Lona ho hang.”

⁵⁶ ’Me Moqosuoa ke Molimo, e leng Mongoli le Lentsoe, la tsatsi lena, joaloka letsatsing leo kapa letsatsing lefe feela.

’Me mochochisi o tšoere lipaki tsa hae.

⁵⁷ Joale u re, “Ebe moifo o thusang moahloli o kae?” Ke ntse ke bua le bona. Lona le moifo oa baahloli, ’me hape u moahloli. Joale hopolang seo, lōna le moifo oa baahloli le moahloli, nyeoeng. ’Na ke mpa ke le sebui feela.

⁵⁸ Joale re emisitse lekhotla. Joale mochochisi o kopa khutso. Joale ho koptjoa khutso phaposing ea lekhotla, thapama ena, e le ho fihlisa nyeoe ena ho e—e makhaolakang.

⁵⁹ Joale batho ba bangata ba le boleletse ho re, “Lentsoe la Molimo ha le tšepahale. U ke ke oa itšetleha ka Lona,” le joalo-joalo, ’me le utloile tseno tsohle. Joale tloong re Le emise nyeoeng ea mannete. Ba bakae ba ratang, phahamisa letsoho la hau le ho re, “Nka rata ho utloa; ’me Jesu Kreste, e leng Lentsoe, a ahloleloa ka ho loka”? ’Me lekhotleng la rona, thapama ena, re tla Mo ahlolela ka toka. Lesang sera se nke mantsoe a sera, le sohle seo se batlang ho se bua, le ho bona haeba e nepahetse. Tloong re chekeng ka botebo re ahlolele Jesu Kreste, Lentsoe, kahlolo e lokileng thapama ena.

⁶⁰ Joale, ho koptjoa khutso ka khotla, joale paki ea pele eo mochochisi a batlang ho e emisa lebokoseng ke...ho ema ke Mongh. Mosalumele. O a ema ho ntša bopaki. Joale hopolang, Mongh. Mosalumele. Le se fose baphethoa bana joale, ho seng joalo u tla fosa ho hong, u ka tšoha u fosa pholiso ea hau.

⁶¹ Mongh. Mosalumele o a tla o a ema, ho paka. Ttlelebo ea hae, e re, “Lentsoe lohle la Molimo la tšepiso ha se ’nete. Ha se ’nete.” O a bolela, ho Mareka 16, o kile a sebeletsoa—a sebeletsoa phuthehong e bitsitsoeng ea Moea o Halalelang. ’Me joale esale a khabeloa ke mala lilemo tse ’maloa, eaba o etela tulo ea bona, eo ba e bitsang, “phutheho ea Moea o Halalelang,” ’me o lumetshe hore pallo ena ea Mareka 16 e ne e le ’nete. O ne a behoe matsoho ho latela tšepiso ea Molimo.

⁶² Ha a bue letho khahlano le moreri; o e balile Lentsoeng. Ha a qose moreri; o qosa Molimo. Hobane, ha se molato oa moreri, moreri o mpa a bala seo Molimo o se laetseng ho etsoa. ’Me Molimo o hlile o boletse, ho Mareka 16, “Mehlolo e tla tsamaea

le ba lumelang ke eona ena; ekareha ha ba bakuli matsoho, ba tla fola.”

⁶³ ‘Me o ipitsa molumeli, ’me o ne a fihle kopano e joatso ba rera ho thoe Mareka 16 ke ’nete. ’Me moreri, ea nang le Kolobetso ea Moea o Halalelang, ha thoe ke molumeli le moreri ea romeletsoeng morero oo, eaba o mo beha matsoho. ’Me ho se ho fetile likhoeli tse peli, ’me mala a hae a mabe joaloka mehleng. Ka baka leo, o tlaleha Molimo o sa loka, ho ngola ntho e joalo Lentsoeng, athe ha se ’nete.

Joale a ka theoha. O pakile.

⁶⁴ Pel’ a lebokose ho eme Mongh. Mobelaeli. O batla ho paka. Mongh. Mobelaeli o itlaleha esale a tsoentsoe ke—ke TB, lilemo li ka etsa leshome le metso e mehlano. Feel a se ke a tela, ea ’na ea tsoha, ea tsoella feela—le ho tsoella. O ne a hlapoheloanakoana, a nto tsoelapele. Eaba o tloela ka tulo motseng ho thoe ho ntse ho rera moreri oa morapeli, ’me batho ba ipolela ba folisitsoe ho latela tsepiso e tsoang ho Molimo, e fumanoang ho Jakobo 5:14, teng Lentsoe la Molimo le re, “Ekare ha e mong hara lona a baba, a bitse baholo ba kereke; ba ba tlotse ka oli, ba ba rapelle; thapelo ea tumelo e tla pholosa mobabi, ’me Molimo o tla ba emisa.”

⁶⁵ ‘Me eena e leng mobabi, le molumeli, o ea kopanong ena moo batho bana bohole ba itlalehang ba folisitsoe ke molisa enoa oa morapeli. ’Me o ile a sebeletsoa, ho latela Jakobo 5:14. ‘Me molisa a sebeletsa feela ho latela Lentsoe, a mo tlola ka oli a mo rapella, thapelo eo molisa a e bitsitseng e ne e le “thapelo ea tumelo,” eo a e lumetseng. ’Me ho se ho fetile selemo, ’me ha a eso bone le tholoana e le ’ngoe ea eona, ka hona, Mongh. Mobelaeli o bolela hore Molimo ha a na toka ho beha tsepiso e joalo ka Bibeleng ’me a sa e tshetsetse.

Joale, hopolang, mona ke ntse ke bala litsepiso tsa Evangelie tletseng.

⁶⁶ Paki e latelang e tla tla ema lebokoseng joale. Mochochisi o bitsa paki ea hae e latelang, pele a ngomela nyoea ea hae. Paki ea hae e latelang ke Mongh. Mohlokamamello.

⁶⁷ Joale bana ke baphethoa ba kaholim’ a tlhaho ba ahileng kahar’ a baphethoa bana. Le a bona, joale, ba etsa joalo.

⁶⁸ Kahoo Mongh. Mohlokamamello o a fihla, ’me o itlaleha a ne a bala Bibele letsatsi le leng. O ne a sa kene likereke, empa o ne a . . . e ne e le molumeli. E mong oa bona o ne a ile ho moevangeli, ’me e mong a ile ho molisa, ’me thaka lena e ne e le molumeli oa sekhukhu ea ituletseng lapeng. ’Me a tloha ’me a ntse a bala ho Mareka khaolo ea 11, temana ea 22 le 23; haeba le ntse le ngola Mangolo. Moo, Jesu ka Sebele, ea ipolelang e le Molimo, Emmanuel, a e buileng ka melomo ea Hae ka Sebele, “Kannetenete ke re ho lona, ekareha ha u re ho thaba ena, ‘Sutha,’ ’me u sa belaele pelong ea hau, u mpa u lumela hore

seo u se boletseng se tla etsahala, u ka fumana seo u se buileng.” ‘Me hape O boletse, ho re, “Ha le rapela, le lumele hoba le fumana seo le se kopang, ’me le tla se neoa.”

⁶⁹ O itlaha esale a holofetse maoto, lilemo li ka ba mashome a mabeli a metso e mehlano tse fetileng. ‘Me lilemo tse hlano tse fetileng, ha ke ntse ke lutse ka phaposing, o ne a ikutloe a susumetsoa ho bala Lentsoe leo a ipoletseng a le lumetse, ’me a le lumetse ka pelo eohle ea hae. Eaba o re, ka lentsoe la hae, “Uena boqhoala ba maoto a ka, ka Lebitso la Jesu Kreste, ntlohele,” a rialo. ‘Me ho se ho fetile lilemo tse hlano, ’me o sa ntse a qhoalile se sa mehleng.

⁷⁰ Ka baka leo, ka hona, Mongh. Mohlokamamello o batla ho hlahisa bopaki ba hae khahlano le ho se tlaile ha Lentsoe, o batla ho bua khahlano le Bibele joaloka Lentsoe le bululetsoeng, le ho tlaleha tsepiso ena e se ’nete; o Le lekile, ’me “E ne e se ’nete.” Mongh. Mobelaeli o itse o Le lekile, ’me “E ne e se ’nete.” Mongh. Mosalumele o ipoletseng a Le lekile, ’me “E ne e se ’nete.” Lipaki tsena tse tharo kaofela li hlahisa Mangolo, litsepiso tsa Mangolo, ’me li tlaleha tsepiso ena e baleha tjena, u ka e bala Bibeleng, ’me ke lipaki tse reng “Ha se ’Nete.”

⁷¹ Ka baka leo, Bibele e loketse ho lahloa; hoba, haeba karolo ea Lona, temana e le ’ngoe ea Eona e ke ke ea tsepahala, nke ke ka tsepa letho la Eona. E ka khona e be ’Nete eohle, kapa ha ho letho la Eona e leng ’Nete. Lehlaahlela le lla ka le leng. Le tseba seo ke se bolelang.

⁷² Joale mochochisi o a nyoloha joale ho liha qoso ea nyoe. O batla ho e ngomela. Joale hlokamelang seo a se buang. “Molimo ha o a loka ho etsa litsepiso tse hlaha joalo Lentsoeng la Oona, bakeng sa bana ba Oona ho leka tumelo ea bona, hobane hase tsa ’nete.” Mona o tsoere lipaki, ho paka hore Lentsoe lena leo Molimo o le tsepisitseng Lentsoeng la Oona e le ’Nete, lipaki tsa hae li lutse mona, ’me a ka supa ka mapaki a lingaka le ka likholiso, hore ba ne ba kula, ba ne ba le *sena*, ba ne ba le *sane*. “Me ba amohetse Mangolo ana a Halalelang, a bitsoang joalo, a bululetsoeng, ’me ba a lekile, ’me ha se a ’nete.” O tsoere le lipaki ho e paka, ho re, “Mantsoe ana hase ’nete, hoba O hlolehile ho le leng le le leng la ona lekhatheng leo.”

⁷³ Joale, joale hlokamelang hape. “Me O hlolehile. Molimo o hlolehile ho phethisetsa balumedi bana, ba lumetseng Lentsoe la Oona, athe ba le nkile hantle feela, ba phethisitse litaelo hantle, hantle feela kamoo O boletseng, ’me Molimo ha o a phahamisa le monoana oa letho nqa tsepiso ea Oona; ho se ho fetile lilemo le lilemo.” Eaba o re, “Ho ka thoeng haeba Mangolo a mang, joaloka ho kolobetsoa, ‘ea lumelang ’me a kolobetsoa o tla bolokeha,’ athe ha ho motho ea bolokehileng? Ho ka thoe’ng ka Mangolo ana a tsepisitseng hoba O tla khutla? Ha ho le le leng la ona le nepahetseng. Hobane, *ana* ha a loka, ’me *hoo* ha se

'nete. Empa e le Buka ea boiqapelo. 'Me banna bana ke balumeli. Koana, Eena, Molimo, o tsepisa hore lintho tsohle lia khoneha ho balumeli, 'me bana ke balumeli.

⁷⁴ "Leha ho le joalo, hape, O itlaleha a phela kamor'a thakhiso ea Hae. Bibele e re, 'O tsohile bafung, 'me esale eena maobane, kajeno, le kamehla.' 'Me Monna enoa ea maroba matsohong a Hae ha a eso bonoe ke motho, a tsamaea har'a kereke, le joalo-joalo. 'Me Baheberu 13:8 ha e joalo. Ha se Eena maobane, kajeno, le kamehla, hoba ha A eso fetise le motho ka boholo. Ha O boloke tsepiso ea Oona. O pakile, ka lipaki tsena, hore ha O boloke tsepiso ea Oona, ka baka leo Buka e lokela ho lahleloa moqomong oa matlakala le ho lebaloa. Ha ho ntho e joalo."

⁷⁵ Joale, hopolang, ke sebelisa lentsoe la mochochisi, ho ngomela nyoea ea hae. "Ho lokile, O boletse ho Luka 17:30, moo A itseng, 'Mehleng ea bofelo, Mora motho o tla senoloa,' Molimo o ne o tla Itšenola ho Peo ea Abraham," kamoo a utloileng 'moleli oa lehlanya khetlo le leng le ho bolela O ne o tla Itšenola hape kahar'a batho, a bitsoa Mora motho.

⁷⁶ "Tšhenolo 10, O re O tlalehile moromua oa lengeloi la ho qetela, ho latela mongoaha oa kereke ea Laodisea, oona o ne o tla ba fofo, ha thoe Jesu o ne a tla (eo e neng e le Lentsoe) ntšetsoa kantle ho kereke. O boletse hore makhateng ana ha thoe lintho tsena tse sa kang tsa senoleloa bahlabolli matsatsing a pele, empa matsatsing a qetelo, hoo, qetello, lengeloi la bosupa, Molaetsa oa moromua oa bosupa, hore Mangolo ana ohle a ne a tla senoloa le ho bonahatsoa. Ha ho motho ea joalo lefatšeng, ha a eso fihle le ka mohla 'me ha a sa tla fihla le ka mohla," o a tlaleha.

⁷⁷ O a bolela, tabeng eo, "Molimo o bolela Bibeleng ea Oona, ho itsoe kereke e tla ba monyemo le ho itlhophara, hore ho Malakia 4 O ne o tla boela o romela moporofeta, athe O se a mo rometse, habeli, Elia le Johanne Mokolobetsi. O ne a tla romela moprofeta ka... 'me o ne a tla ema ka matla a Elia. 'Me bosebeletsi ba hae, liketsa tsa hae, ntho e 'ngoe le e 'ngoe, e ne e tla ba Elia. 'Me hape bosebeletsing ba hae, o ne a tla bitsa batho maemong ana a hoammeng, ho khutlela morao Tumelong ea makhonthe ea bontate ba baapostola. 'Me ha ho ntho e joalo e ntseng e etsahala.

⁷⁸ "'Me hape O tlaleha leholimo le lefatše li tla feta, empa Lentsoe la Oona le ke ke la hloleha." 'Me mona o itlaleha a tšoere bopaki, thapama ena, ho bontša hore Le a hloleha. "'Me Jesu enoa ea tsohileng bafung ke mang? Bohle le mpa le hapuoe qhafutsong ea saekholoji ea kelello. 'Me ha ho ntho e joalo; le ntse le itšepitse ka tšepo ea bohata."

⁷⁹ Joale, ke nahana hore o buile ho lekane. Ke a kholoa o nkile Bibele eohle. Joale a ke a lule fatše, mochochisi. Joale le eona paki ea mochochisi e ka theoha. Ba tsoa lebokoseng.

⁸⁰ 'Me kalaneng joale, re tla bitsa Paki ea Moqosuoa, Moea o Halalelang. O tla bua. Ke kholoa le bona kamoo mochochisi a ngometseng nyoea ea hae ka Lengolo. Joale, Paki ea Moqosuoa, e leng Moya o Halalelang, o fihla ho sireletsa Moqosuoa, Lentsoe. Ke hopola ba ne ba ke ke ba fumana e fetisang ka bokhabane.

⁸¹ Tabeng ea pele, O hulela maikutlo a lekhotla lena, hore motoloki oa Lentsoe la Molimo, ho batho, mochochisi, ke eona toloko e toloketseng Eva Lentsoe la Molimo. O batla hore lekhotla le utloisise seo, hore toloko ke eona toloko ea Eva, e tlalehang karoloana ka 'ngoe ea Lona e ne e lokile haese Lentsoe le le leng feela. 'Me O batla ho le tsebisa hape... E ne e le Eena, hopolang, Ea ngotseng Bibele. O boetse o batla ho le tsebisa, ho re, qalong, lentsoe le le leng leo hole le Lentsoe la Molimo, le hlahisitse lefu lohle le masoabi le maloetse. 'Me O batla hape ho le tsebisa Molimo o boetse o boletse, Lentsoeng la Oona, khaoloi ea ho qetela, joaloka ho ea pele, hore, "Ekareha e mong a tlosa letho Mona, kapa ho eketsa letho ho Lona, kabelo ea hae e tla tlosoa Bukeng ea Bophelo." E tšoanetse e be Lentsoe, 'me Hoo feela. O batla ho tsebisa lekhotla hore enoa ea ngometseng sena sohle ka thata hakana, ke toloko ea Eva.

⁸² O batla ho le tsebisa sena... ho hulela maikutlo a lekhotla lena hape, ke ho re, Paki ea Moqosuoa, O batla ho hulela maikutlo a lekhotla lena le ho bontša hobane litšepiso ke tsa balumeli feela; e seng baikaketsi, lifela-peloana, kapa babelaeli. Hoo ho fetola maoa ha ho joalo? Ke feela... Ha e a lebisoa bathong ba ipitsang balumeli; e lebisitsoe ho balumeli feela, e seng ho ba ipitsang balumeli. Satane o ipitsa molumeli, le eena, le a tseba. Ha e a etssetsoa bona. E etselitsoe balumeli ba sebele feela.

⁸³ 'Me Paki ena ea Moqosuoa e tšoanetse ho tseba haeba monna bana e le molumeli kapa che, hobane, holim'a tsohle, Paki ea Moqosuoa ke e—e motsosi oa Lentsoe ka Seqo. O a tseba haeba u lumela kapa che. Ke Eena eo Molimo o mo nehetseng, ho etsa hore Le phethahale. Alleluia! Ke Eena ea pakang seo. Ke Eena ea Le phethahatsang. Ke Eena Ea tsebang hore Le oetse nqalong e nepahetseng kapa che, Paki ena ea Moqosuoa e emelang Lentsoe. Hlokomelang, O batla ho ipiletsa ho balumeli hape, Paki ea Moqosuoa e a tseba haeba e le eona kapa che, Ke mophelisi oa Lentsoe.

⁸⁴ 'Me O boetse o hulela maikutlo a lekhotla lena Lentsoeng la tšepiso leo ho lebisitsoeng ho lona. Ha A ka a beha nako e baliloeng ho phethisa lintho tsena.

⁸⁵ Na le bona kamoo ba ka u ballang Lentsoe ka phoso? Joale mathaka ana a reng, "E re ke bone *sena* se etsahala," le a bona, ebile ha ba bale Lentsoe hantle. Ke hore, motho ha e fela e le molumeli, le joale ha O eso laole moeli oa nako.

⁸⁶ Hape O batla ho hopotsa lekhotla ka hore Lentsoe lena le ngotsoe, 'me Jesu Kreste, Lentsoe le bonahalitsoeng, o itse, "Lentsoe ke peo eo mojali a e jetseng." 'Me peo e ka hlahisa se sa eona feela, ho hlahisa pallo ea eona, haeba e lutse mobung o lokileng o tla melisa peo. Amen. Hoo ho batla ho fetola e—e nyoe, ha ho joalo na? E tlameha ho lula nqalong e nepahetseng.

⁸⁷ Thollo ea peō e robetseng tafoleng ena e ke ke ea butsoetsa kotulo. Thollo ea—ea poone mona, holim'a lejoe le leputsoa, e ke ke ea etsa letho. Tlhaku ea poone e lokela ho oela mobung o nontšelitsoeng thollo eo ea poone, ho seng joalo e ka sitoa ho mela.

⁸⁸ 'Me Molimo o boletse Lentsoe la Oona e le peo eo mojali a e jetseng, 'me e loketse ho oela mobung o nepahetseng. Mobu oo ke tumelo. Ke peo, 'me e tlameha ho oela mobung ona, ho seng joalo e ka sitoa ho phelisoa. Ka mantsoe a mang, Moea o Halalelang, Paki ea Moqosuo mona, o re A ke ke a khona ho tla ho eona pele e oela mobung oa mofuta o loketseng. Ke Eena ea e phelisang.

Paki ea Moqosuo e bitsa paki ea eona ea pele.

⁸⁹ Ke a kholoa ha mochochisi a khonne ho bitsa lipaki, mona lefatšeng, ho paka Lentsoe lena le ne le fositse, ke kholoa Paki ea Moqosuo e na le tokelo ea ho bitsa lipaki tse ka pakang hore Le nepahetse. Hobane, potso joale e mahareng a balumeli le bomosalumele, ka Lentsoe, ha Lentsoe le ntse le hola.

⁹⁰ Paki ea Moqosuo e batla ho tsebisa lekhotla lena, thapama ena, paki ea pele, ke Nohe. Nohe o itlalehile a phetse mongoaheng oa saense e kholo. Nohe o batla ho paka. 'Me o ipoletse a phetse mohla batho ba neng ba hlobohile mehlolo le lintho. 'Me eaba o utloa Lentsoe la Molimo le 'molella hoba O tla timetsa lefatše ka metsi, le hoba metsi a tla theoha a tsoa holimo. Pula e ne e tla na, athe pula e ne eso ne le ka mohla. Empa o bolela hore e—e Lentsoe la Molimo, eena e neng e le moporofeta, Lentsoe le tlie ho eena, 'me a qala a rera hore Lentsoe le ne le tla etsahala, hoba E ne e le Molimo. 'Me hape o batla ho tsebisa lekhotla lena hore Mongh. Mosalumele, Mongh. Mobelaeli, le Mongh. Mohlokamamello, esale a mo lekile tsela eohle. Empa ka ho ba moporofeta, ka ho tseba hobane Molimo o ke ke oa thetsa, a tiisetsa Lentsoe, ho sa tsotolehe.

⁹¹ Ba tlie ho eena, 'me ba re, "Joale, Nohe," Mongh. Mosalumele o itse, "u tla paka joang hoba pula e teng holimo mono?"

⁹² "Ha ke tsebe moo e leng teng. Empa ha Molimo o itsalo, hoo—hoo qeta tsohle."

"Pula e tla na joang athe ha ho pula holimo mono?"

"Ha ke tsebe. Empa Molimo o itsalo, 'me hoo ho e batalatsa eohle."

⁹³ Mongh. Mobelaeli o ile a fihla a re, “Efela haeba ntho e kang pula e ka theoha mono, O tla lokela ho theohela mona le ho kha pula le ho e nyollela mono. Ebe hoo A ho etsa joang?”

“Ha ke tsebe.” “Me kamora hoba ke ahe areka . . .”

⁹⁴ Pele o batla ho bolela, hore mohla a ne a hlahisa polelo ena, ka ho ba moporofeta har'a batho, bohole ba mo tšeja, 'me ba re, “Ha ke bone pula ea letho.”

⁹⁵ Be, eitseha a qala a sebetsana le areka, ba re, “Mohlomong ka mor'a areka . . .” Mongh.—Mongh. Mohlokamamello o ile a leka ho 'molella, “Mohlomong kamor'a kaho ea areka, pula e tla na.” Empa mohla areka e ne e phetheloa, pula ha e a ka ea na.

⁹⁶ Pula ha e a na letsatsi le hlahlamang, ha e a na veke e hlahlamang, ha e a hlola nele—ha e a na khoeli e hlahlamang, selemong se latelang. 'Me eitseha a qeta areka, le joale pula ha e a na.

⁹⁷ 'Me eaba o re, ka tsatsi le leng Lentsoe la Molimo la khutlela ho eena 'me la 'molella ha thoe o tla bona pontšo e mohlolol tlhahong, ha thoe linonyana le liphoofolo li ne li tla kena nthong ena. 'Me ebile Mongh. Mosalumele o mo tšeja a ba a re, “E fetohile letsaba la linonyana. O entse sehлаha, sebakeng sa hoo.” 'Me bohole ba tšeja ba mo soma.

Empa, ka tsatsi le leng, Molimo oa bua le eena, 'me oa re, “Kena ka arekeng.”

⁹⁸ Eaba Nohe o ema monyako le ho re, “Le hlabeloa mokhosi la ho qetela. Kenang!” 'Me ha ho a kena motho haese lelapa la hae feela.

⁹⁹ Kahoo o ipoletse a ile a kena arekeng. 'Me o boletse lelapanyana la hae le ratehang, joale, enoa ke moporofeta Nohe, “Oh, horeng e 'ngoe, ntle le pelaelo, pula e tla be e na.”

¹⁰⁰ 'Me eitseha a kena, monyako oa koaloa ka mokhoa o mohlololo. A re, “U a bona joale, moratuo,” ho mohatsae, le ngoetsi ea hae, le ho bara ba hae, “re koaletsoe le Molimo kahare.

¹⁰¹ “Joale fensetere e teng holimo mona. Mathang le nyolohe methati, kapele haholo. Le se ke la e fosa. Mathang le nyolohe, kapele ruri, le nyolohele mona joale. Pula e mothating oa ho na, ntle le pelaelo.”

¹⁰² 'Me batho ba bang kantle mono ba mo utloileng a rera, ba itse, “Ke a ipotsa haeba lehlanya leo la khale le ka be le nepahetse?” Mongh. Mosalumele, Mongh. Mobelaeli, Mongh. Mohlokamamello, bohole ba tlide, ha thoe, “Re tla fumana.” Ho re, “Nohe na u teng ka mono?”

“E.”

“Bula, re rata ho qamaka.”

¹⁰³ “Molimo o koetse monyako. Ha ke khone ho o bula. Ha ho mohoele ka mona ho bula ka ona.”

¹⁰⁴ Joale ba itse, “Motsofe oa khale, o kene kahare a koala monyako oo, le ho leka ho re nahanisa . . . Ke boshano. O ntse a leka ho re tšosa.”

¹⁰⁵ ‘Me lipapaki tsa mochochisi ke tseo, li lutse mono, li ntse li mameitse tsena tsohle, hobane ba molato oa ho hoo. Bibebe e boletse joalo, “Basomi!”

“Me ba iqabotse ka ’na, ba ntšomile.

¹⁰⁶ “’Me esita le ’na, ka bona, ke ne ke lebeletse pula. Letsatsi lohle, pula e sa ne. Letsatsi le hlahlamang, pula ha e na. Letsatsi le hlahlamang, pula ha e a na. Matsatsi a mane, pula ha e na. Matsatsi a mahlano, pula ha e na. Matsatsi a tšeletseng, ha ho pula. Empa Molimo ha o a mpolella pula e tla na neng, O mpile oa re, ‘Pula e tla na.’ O ne o sa bala nako efe. O itse feela, ‘Pula e tla na.’”

¹⁰⁷ Ha O a re, “Hang feela ha u bea mokuli matsoho, ba tla qhoma ba thale holim’ a mokato,” kamoo mobelaeli a batlang ho le nahanisa eona. O itse, “Ba tla fola.” Ha O a bolela neng, joang. “Ba tla etsa joalo!”

¹⁰⁸ O itse, “Thapelo ea tumelo e tla pholosa mobabi,” ho Jakobo 5:14, “Molimo o tla mo tsosa.” Neng? Ha O a ka oa bolela. O itse o tla mo tsosa feela.

¹⁰⁹ Mareka 16, O itse, “Ekare ha u re ho thaba ena, ‘Tloha,’ ‘me u sa belaele pelong ea hau, empa u lumela hobane seo u se boletseng se tla etsahala.” Ha O a bolela neng. O itse e tla etsahala! Alleluia!

¹¹⁰ Le bona toloko eo ea bohata ea Lentsoe mono? Ebe u re, “Be, e re ke u bone u etsa monna *enoa*, esale a lutse setulong sa liqhoala nako e telele. E re ke bone. O ipolela a na le tumelo.” Liabolosi eo! Na le a bona hore ke mang?

¹¹¹ Jesu ha a re ba tla qhoma hantle ba e fumane hona moo. Bongata ba batho ba Pentekosta ba ile ba hopola joalo, empa Bibebe ha e a rialo. A re, “Ekareha ba lumela, ba ne ba tla fola.” ‘Me O tšoere lipaki tsa Hae mona ho e paka.

¹¹² Nohe a re, “Kamora lilemo tse lekholo le mashome a mabeli, eaba pula e na.” Empa, pula e nele. Nohe o tsebile hoba o tla e bona molokong oa hae, hoba o hahile areka, o ne a itokiselitse ho kena.

¹¹³ Joale, joale re fumana hoba hoo e ne e le ’nete. Joale eo ke Nohe, paki ea pele.

¹¹⁴ Joale, paki ea bobeli, re tla e bitsa. Ha re bitseng Abraham. A re, “Ke ne ke le moporofeta, ‘me ka porofeta tlasa tšusumetso ea Molimo. ‘Me O mpoleletse ha thoe mohatsa ka, ea lilemo li mashome a tšeletseng a metso e mehlano, le ’na ke le mashome a supileng a metso e mehlano, a lilemo, mohlang oo, hore ke ne ke tla fumana lesea ka Sara. Koana, ehlide, o ne a . . . Ke ne ke sa nona; eena a le joalo, popelo ea hae e ne e shoele. O ne a le

lilemo li mashome a mabeli, kapa ho feta, a se a fetile nako ea bophelo. Ke phetse le eena lilemo tsena tsohle, 'me ho se sesupo sa bana. Eena, popelo ea hae e ne e shoele. 'Me, empa Molimo o mpoleletse ke tla fumana lesea ka eena.

¹¹⁵ "Me le a tseba, Mongh. Mosalumele, Mongh. Mobelaeli, le Mongh. Mohlokamamello, ka morao ho matsatsi a pele a mashome a mabeli a metso e robeli, enere ha ho sa etsahele letho ho Sara, ba ntšeha ba ntšoma. Selemong sa pele, ba tlie ho 'na ba re, 'U na le bana ba bakae hona joale?"

¹¹⁶ Empa, ka mora lilemo tse mashome a mabeli a metso e mehlano, lesea la fihla. E etsahetse. Molimo ha o a re, "U tla fumana lesea veke e tlang, ka Sara." Ha O a bala nako efe. O itse o tla fumana lesea ka Sara. Le ka mohla ha O a bolela neng feela. Oa mpa oa rmo tlaleha a tla etsa joalo.

¹¹⁷ Eaba Abrahama o re, "'Me ha ke a ka ka sisinyeha pallong, ka ho se lumele. Empa enere e sa liehile, ka matlafala ka linako tsohle. 'Me ka ho ipona ke eketsa ho fokola 'meleng, eona e leng tšitiso ea lesea ho fihla, sebakeng sa fokola tumelong, ka matlafala tumelong, hoba ke tsebile Molimo o ne o khona ho boloka Lentsoe la Oona.

¹¹⁸ "Ka hona tsatsi le leng ke sa lutse, ke qoqa le Sara, 'me Lengeloi la Morena la nyoloha. Monna ba bararo, ba babeli ba bona ba ile Sodoma; e Mong a ema pel'a ka a qoqa le 'na, 'me a mpolella lintho tse tla etsahala. 'Me ke ne ke tsofetse ke kobame mahetla, le Sara a sa khone ho tsamaea. 'Me, le a tseba, tsatsing le hlahlamang, ka qala ka bona lekhutla leo le nyamela mokokotlong oa ka. 'Me moriri oa ka oa qala oa ntšofala, 'me marama a Sara a relimohoha bofubelu."

¹¹⁹ Joale u re, "Ke pheteletsso, Moena Branham!" Motsotso feela, bonang haeba a entse joalo. Lemohang, ba khutletse morao ho mohlankana le mosetsana. Joale u re, "Oh, Moena Branham!" Joale, Molimo O pata Molaetsa oa Oona lipakeng tsa mela. Seminare e ke ke ea Le tseba le ka mohla. Ke hantle. Che, che. Ke pale ea lerato.

¹²⁰ Mohatsa ka mane, o 'ngolla lengolo. 'Me ha a bua taba lengolong, empa ke khona ho bala lipakeng tsa mela. Ke tseba seo a buang ka sona, hoba ke a mo rata, ke tseba tlhaho ea hae feela. Ke tseba seo a se bolelang. "Ke lutse mona bositung bona, Billy. Bana ba liphateng. Ke nahanne ka uena." Oh, ke—ke tseba seo a se bolelang, le a bona, le a bona, hoba ke a mo rata.

¹²¹ 'Me haeba u rata Molimo, 'me Moea oa Molimo o lutse ho uena, Moea o Halalelang ka Seqo ke toloko ea Lentsoe lena.

¹²² Lemohang, ba ne ba holile lilemong joale, Bibele e itsalo. Ka potlako joale, re fihla qetellong. Eaba o re, "Ke ile ka khutlela ho mohlankana e mocha. Le eena o ne a khutlele ho mosetsana e mocha."

U re, “Oh, Moena Branham!”

¹²³ Mamela, hore u tle u fumane lesea leo . . . Popelo ea hae e ne e shoele; bophelo ba ton a bo ne bo shoele. Joale ho fumana . . . O ne a tla lokela ho mo etsensa pōpelo e ’ngoe. Na ebe O ne a tla tlameha hoe etsa? Joale mehleng eo ba ne ba hloka libotlolo tsena tseba li sunyang hanong la lesea, ho lumella ’mè ho mathaka hohle. Mehleng eo, e ne e ka khona e be ’mè ea qetang ho tsoala. Ka hona ho etsa hoo, methapo ea lebese e ne e omeletse, eaba O tlameha ho etsa methapo e mecha ea lebese, le joalo-joalo, ho fepa lesea. ’Me ntho e ’ngoe, mosadi oa lilemo tse lekholo, ea fetang pelehing? O ne o tla tlameha ho mo etsensa pelo e ncha. Le a bona? Kahoo ha A ka a e pecha feela. O bontšitse, ka ho eena, seo A tlang ho se etsensa Peo eohle ea Abrahama, ba tla khutla ba le bacha, ho fumana ’mele o mocha ho amohela Mora ea tlang eo re mo batlang. Ke sa ntse ke lumela tsepiso.

U re, “Phetelestso!”

¹²⁴ Ho lokile, motsotsa feela. Bonang, ba nkile leeto, limaele tse makholo a mararo ho tloha moo ba neng ba le teng, tlase naheng ea Bafilesta, ho ea Gerare. ’Me tlase mono e le mohlankana ea bitsoang Abimeleke, e ne e le khosi, ’me a batla moratuo, le banana bao bohole ba batle ba Bafilesta. Nkhononyana ke enoa a fihla, Sara, joale, a apere tjale ea hae, le Abrahama. ’Me Abrahama a re, “Moratuo, ke batla hore u nkisetse ka molemo.” Ho re, “U motle haholo ho talinngoeng, etlareha khosi eo a u bona, o tla u nka hore u be mosali oa hae.” ’Me eitseha batho ba ’mona, keha a le motle hakaale! Nkhono? O ne a le motle haholo, ho fihlela, Abimeleke a mo nkile ho ba mosali oa hae.

¹²⁵ Eaba O iponahatsa ho Abimeleke ka toro, le ho re, “Monna oa hae ke moporfeta oa Ka. Ha u ka mo ama, u se u le monna ea shoeleng.” Ke hantle?

¹²⁶ Mono O bontša seo A tlang ho se etsa ho bana bohole ba Abrahama. Ha thoe, “Ha A bolela mohla A tla e phethisa, empa O itse O tla e etsa.” Hoo ho itoketse, motsoalle, e mpe e tsoelepele. O tla e etsa leha ho le joalo. O e tsepisitse. Joale, empa lilemo tse mashome a mabeli a metso e mehlano hamorao, Sara a fumana ngoana, ho qala nakong ea tsepiso. Lentsoe ha le a bolela mohla a tla le fumana, empa ho itsoe o tla le fumana.

¹²⁷ Ha re potlakeleng ka lipaki tsena hona joale. Paki ea boraro, Moshe. O boletse Molimo a mo file pontšo, ho paka leo e ne e le Lentsoe la mongoaha oo. O ile a nka Lentsoe, ka pontšo le ka Puo, le ho theohela pel’ a Molisa Faro. ’Me Molisa Faro a re, “Huh, leo ke leqheka le theko e tlase la boselamose. Mona ke tšoere monna mona ea ka etsang hona hoo.” ’Me ba e entse. Baetsisi! O itse, “Holane ke ne ke se moporfeta ’me ke tsebile hobane leo e ne e le Lentsoe la tsepiso, nka be ke itse ha ho letho ho eona,’ hobane balekisi bana ba kantle mona ba etsa sona seo ke

se etsang.” Empa o e tsebile hore e tsoa ho Molimo, ka hona o ile a tiisetsa.

¹²⁸ Molimo o itse o tla lopolla batho ’me ba tla fihla thabeng. O ne a ba lebeletse ho khutla mohlomong letsatsing leo. Empa, e ne e le lilemo hamorao, empa ba khutla. Ba ile ba fihla thabeng. Molimo oa phetha Lentsoe la Oona. Oa ba isa lefatšeng la pallo, joalokaha O boletse. O ne a lumetse Lentsoe la Molimo.

¹²⁹ Joale kapele feelsa ke tla lata paki e ’ngoe, paki ea bone, ke Joshua. A re, “Mohla Molimo o ne o re fa tsepiso, ’me ra ea . . .” E batla e le limaele tse mashome a mane feelsa. “’Me eitseha re fihla Kadesh-barnea, Moshe a roma lipaki ho bona haeba re ka le hapa kapa che. ’Me, oh, Baamaleke, le liqhobane tseo, le marako a phahameng,” ho re, “re sitiloe ho le hapa, ho hang, ho bonahetsejoalo.”

¹³⁰ Empa motho o ile a tšela a khutlisa bopaki bo itseng ba naha e ntle. Kahoo a re, “Meloko e meng eohle, ba itse, ‘Oh, re sitoa ho e hapa.’” A re, “Ka ema ’me ka khutsisa batho, ’me ka ba tsebisa hoba e ne e se boholo ba ntho eo kantle mono; e ne e le tsepiso ea Molimo, ’me Molimo o ne o tla e phethisa.” A re, “Hoba ke khutsise batho, ha O a ka oa re tšelisa, tsatsi le hlahlamang, veke e latelang. Lilemo tse mashome a mane hamorao, O ile a re tšelisa. Empa ha O a bolela mohla O tla re tšelisa; O boletse O tla re tšelisa, ka hona re ile ra tšela.”

¹³¹ Ke rata ha Esaia a ka tla nakoana feelsa. Shebang Esaia. O itse, “Ke ne ke le moporofeta ea netefalitsoeng hara batho. Bohle ba ile ba ntumela. Ho qala ka Khosi Osiase, ho theoha, ba ntumela. Ke ne ke le moporofeta ea netefalitsoeng. Seo ke se buileng, Molimo o se phethisitse. O—O entse mantsoe a ka, ao ke a buileng, hore a phethahale, hobane ke a buile ka Lebitso la Oona, Jehova.” A re, “Ka letsatsi le leng, Jehova a bua le ’na ’me a re, ‘Ke tla ba fa pontšo, moroetsana o tla emola.’ ’Me ka e etsa, ka e bua joalokaha Jehova a boletsete.”

¹³² Ho re, “’Me ke batla ho le tsebisa, lekhota lena, hore ngoanana ka mong oa Moheberu a reka libutsu le sohle ho hlophisetsa lesea lena. Moroetsana o ne a tla emola. Le ho tsoelapele, likhoeli, e sa etsahale. Liveke, e sa etsahale. Lilemo ha li batlile ho ba makholo a robeli hamorao, ea etsahala, empa moroetsana o ile a emola ’me a tsoala ngoana.” Jehova ha a ’molella e tla etsahala hosane, moroetsana ea itseng mongoaheng oa hau. O itse feelsa, “Moroetsana o tla emola,” ’me eaba ke phetho. Ha O bolela neng. O mpa o itse o tla etsa hoo.

¹³³ Joale, haeba e khahlisa lekhota, na nka ipeha paki ea Hae e latelang? Nka rata ho Mo pakela, paki e latelang. Tsepiso ea Lentsoe la letsatsi lena, ke sona seo ke se pakang.

¹³⁴ Tsoalong, ke sa le moshanyana koana Kentucky, le e bona holim’ a likarete tsa thapelo le sohle, Leseli leo le ne le eme mono. Ke ile ka bolella ’mè le ntate, ho theosa joalo le mongoaha. Ke

a t̄sepa ha e utloahale ke bua ka 'na, empa ke eme feela joaloka paki pel'a Oona. *Enoa* ke Eena ka sebopeho sa Lentsoe. Ke ne ke sa tsebe hoba e bolelang; ho se mang ea tsebileng. Morao koana lithabeng tseo, kahar'a nthoana ea khale... E se na le fensetere ea galase joaloka lona bohole joale; u ne u e-na le lematinyana la khale leo u sututsang e le fensetere. 'Me hoseng hoo, Leseli la kena.

¹³⁵ Ke ne ke tla bolella batho, ho bolella 'mè. Lintho tseo ke neng ke li bolela, li ne li hlaha joalo kamehla. Ba ne ba sa e lumele. Ba re, "Ha ho joalo." Empa lilemo tse ka bang mashome a mararo hamorao, Molimo oa e kholisa ka bopaki ba mahlale, e ne e le joalo. E ne e le joalo, hoba ke t̄sepiso.

¹³⁶ Mono sefateng, lilemong tse supileng, moo Puo e buileng le 'na ea re, "U se oa tsuba, oa poroma, kapa ua noa, kapa ua silafatsa 'mele oa hau."

¹³⁷ Athé ke ne ke lula lelapeng la thitelo, ke sa tsebe le seo Bibebe e leng sona, e ne e le polelo feela. Re tsoatsile ra fumana almanaka, empa e seng Bibebe ka tlung ea heso. Ho se letho haese sehlopha sa... Hase ho bua khahlano le batho ba heso, empa Molimo o tseba tsohle ka eona. Ho ne ho se mokhoa ho hang, batho ba heso pele ho 'na, morao koana e ne e le Katolike. Bohle ba ne ba nyetse kantle ho kereke 'me ba faletse, 'me ho se bolumeli ho hang. Re bile re sa bo tsotelle ka letho.

¹³⁸ Empa A—A mpolella se neng se tla etsahala, hore ke se ke ka tsuba, kapa ho noa, kapa ho it̄silafatsa 'mele ka mokhoa ofe, ke ne ke khethetsoe mosebetsi mohla ke hola-holang. Be, lilemo le lilemo ka mor'a moo. Ke ne ke tsebile joang hore ke tla ba moreri? Ke ne ke sa batle le mohopolo oa 'moleli. Empa ea etsahala, leha ho le joalo. Hoo ho a bontša hoba O boloka Lentsoe la Oona. Lilemo tse leshome le metso e supileng hoba A itlhahise ho 'na mono sehlahleng...

¹³⁹ Re a fumana, letsatsi le hlahlamang ka morao ho moo, A mpontša borogo bo parolang noka, bo e ngomela, ea bontša banna ba leshome le metso e t̄seletseng ba oela ho bona. Ka bolella mama. Ke its'etlehile ka sefate, ke e shebeletse. A re, "U ile ua khaleha, moratuoa."

Ka re, "Che, lekhale, mama. Ke ne ke e shebile."

¹⁴⁰ Hantle lilemo tse leshome le metso e supileng ho tloha tsatsing leo, Borogo ba Masepala Jeffersonville ba ngomela ho ea Kentucky, 'me oa bosupa... 'Me banna ba leshome le metso e t̄seletseng ba lahleheloa ke bophelo ba bona ka bala la bona, hantle feela joalokaha e boletsoe. Ah, le joalo Mongh. Mosalumele esale a nteka nako eohle!

¹⁴¹ 'Me ke batla ho hulela maikutlo nqa mochochisi enoa ea foufetseng, mabapi le Jesu ea leng teng mona ka maqeba a lithakhisa letsohong la Hae. Ha A eso bue ntho e kang eo. O

boletse, mohla A khutlang Leholimong, ho itsoe, "Lengole le leng le le leng le khumame, 'me mahlo 'ohle a tla 'Mona, 'me maleme 'ohle a ne a tla bolela." O tsepisitse feela ho khutla ka matla a Moea le ho netefatsa Lentsoe la Hae, la Mareka, la seo A neng a tla se etsa. O mpa feela a sa . . . Ha ba e fumane feela.

¹⁴² Joale, holim'a motheo oa puisano ena, thapama ena, 'me rona ba phelang . . . Etsoe, ke tla tlameha ho e tlolisah mahlo, le mpona ke phetla maqephe ana a mongolo le lintho, ke tlameha ho e hlahisa, empa ke hopola re le haufi joale ho e fumana.

¹⁴³ Joale ebile ba ke ke ba e lumela. Jesu o tsepisitse hoo, "Joaloka matsatsing a Nohe, le joaloka mehleng ea Lota, ho tla ba joalo letsatsing la ho qetela." Re e fumane. E teng mona. E se e netefalitsoe, ke Mangolo a makae feela! Mongoaheng oa Sodoma, se hlahetseng Abrahama, se ne se tla khutlala hape ho Peo ea Abrahama ea borena, e leng ka ho Kreste; Kreste ea khutlang ka sebopaho sa Lentsoe, a sebetsa har'a batho, le ho bontša lipontšo tseo A tsepisitseng hore e tla e supa, e tla e etsa. O tsepisitse hore O tla e etsa. Molimo o e tsepisitse. 'Me Molimo O tla boloka tsepiso ea Oona.

¹⁴⁴ 'Me joale, lilemong tse 'maloa tse fetileng, ke le boleletse hoba O buile le 'na le ho re, "Ho tla hlahmekhahlelo e meraro ea tšebeletso ena. 'Me o mong e ne e tla ba ho tšoara batho ka letsoho, le ho tseba mathata a bona." Ba e hopolang ba bakae? Ehlike. Na ha ke a le bolella, "Ha nka tsepahala," seo O mpoleletse sona, "ho ne ho tla etsahala hore ke tsebe le sephiri se ka pelong tsa bona"? Na ke le boleletse? Ba e hopolang ba bakae? Na e etsahetse? Ha e a etsahala letsatsi le hlahlamang, e bile lilemo hamorao, empa e ile ea etsahala.

¹⁴⁵ 'Me A bua tlase holim'a noka, A re, "Joalokaha Johanne Mokolobetsi a ne a rometsoe ho tumisa ho tla ha Kreste, qetellong ea tšebeletso ea hae, Jesu o tlie. 'Me joalokaha Johanne a romiloe, le tšebeletso ea hau e tla tumisa ho Tla ha Kreste la Bobeli." 'Me ho hlahile tsoselsetso e akaretsang har'a batho ba Molimo, lefatšeng lohle, lilemong tse leshome le metso e mehlano tse fetileng; tsoselsetso e telele ka ho fetisia. Ranalane ofe o a tseba ho se tsoselsetso e tlolang lilemo tse tharo. 'Me ena e khathile lilemo tse leshome le metso e mehlano. 'Me shebang kereke kajeno, e pholile. Re emetse ho Tla ha Hae. O ntse a Inetefatsa, ho bontša.

¹⁴⁶ Joale, lintho tsena tsohle li etsahetse. O tsepisitse ka mono, ho re, "U ne u tla tseba lekunutu la pelo."

¹⁴⁷ Joale mokhahlelo oa boraro o thunt'sa mafube bosebeletsing joale. Nke ke ka qeta nako ho kena mono, hoba ke hopola ke sa lokela. Empa bongata ba lona mona le tseba ka eona, le a bona, se etsahetseng.

¹⁴⁸ Joale, mohla ke neng ke le bolella, mohla ke ne ke fihla Kansas City la ho qala tlase mona, le tlase Arkansas, hore lintho

tsena li ne li tla etsahala, 'me ke tsena moo li leng teng. Re lipaki tse phelang tsa hore li etsahetse. [Sekheo lebanteng—Mohl.] . . . Molimo o e boletse e tla etsahala. Ha e a bolela e tla etsahala nakong eo. O itse e tla etsahala.

¹⁴⁹ Mareka 16 e re, "Mehlolo e tla tsamaea le ba lumelang ke eona ena." Haeba ke se molumeli, joale hobaneng Lentsoe lena le netefalitsoe e le 'Nete?

¹⁵⁰ Haeba le se balumeli, joale hobaneng Molimo a le neile Moea o Halalelang? U ka hlakisa lipontšo tsa mefuta eohle, u ka matha, ho bua ka liteme, le ho etsa lintho joalokaha batho ba nang le Moea o Halalelang ha ba etsa; empa haeba e se ntho eo ea makhonthe ka pelong ea hau, e ke ke ea phelisa Lentsoe leo. Empa haeba e le ntho ea makhonthe ka mono, "maholimo le lefatše li tla feta, haele Lentsoe leo le ke ke la hloleha."

¹⁵¹ "Mehlolo ena e tla tsamaea le ba lumelang; ekareha ba bea bakuli matsoho, ba tla fola." 'Me le bona ba bang ba fola. Ha A ka a re ba tla fola hona hoo. A re, "Ba ne ba tla fola haeba ba ka e lumela."

¹⁵² Ba bakae ba utloang seo, hore hoo ke 'Nete? Ba bakae ba lumelang hoba Lentsoe la Molimo le sa ntse le lokile? E mpa e tolokeloa batho ka phoso. Na ha le lumele seo? E mpa e tolokoa ka phoso.

¹⁵³ Joale, ha se morao koana matsatsing a Luthere, ha se morao koana matsatsing a Pauluse, ha se morao koana matsatsing a Nohe le lipaki tsena tse ling, ha se lilemo tse leshome le metso e mehlano tse fetileng mohla ke neng ke le bolella hoba lintho tsena li tla hlaha; empa kajeno Topeka, Kansas, letsatsing lena, horeng ena, motsotsong ona, tloong re memele Lentsoe la Molimo ho makhaolakhang. O tsepisitse hore sena se tla etsahala matsatsing a ho qetela.

¹⁵⁴ Joale le a lumela hobane O boloka Lentsoe la Oona? [Phutheho e re, "Amen."—Mohl.] O tšoanelo ho boloka Lentsoe la Oona, hore e tle e be Molimo. O tlameha ho e etsa. O tšoanelo ho boloka Lentsoe la Oona.

¹⁵⁵ Joale, na O tsepisitse, "Joalokaha ho etsahetse mehleng ea—ea Sodoma, e ne e tla ba ntho e tšoanang le ho tleng ha Mora motho," O ne a tla—tla senoloa matsatsing a qetelo joalokaha A entse ho Abrahama le Peo ea hae mane Sodoma? Na O tsepisitse seo? [Phutheho e re, "Amen."—Mohl.] Luka khaolo ea 17, temana ea 30, le ka e bala. Joale, O tsepisitse seo. O itse e tla etsahala. Jesu o itse Mangolo 'ohle a tlameha ho phethahala, sohle seo A se tsepisitseng.

¹⁵⁶ Na O tsepisitse ho Malakia 4, seo A tlang ho se etsa matsatsing ana a qetelo? 'Me hang kamora sena ho tla hlaha mollo, le ho chesa mosalumele, 'me ba lokileng ba tla

tsamaea holim'a molora oa mosalumele. Ke hantle. Be, re mona monyako hantle.

¹⁵⁷ Joale, pejana moroallo o moholo o fihla, ebe O tsepisitse eng? Pejana le ho tsoa ha Nohe—ha Nohe... kapa Moshe a fihla ho ntša bana ba Iseraele, ho ile ha etsahalang? Pejana Jesu a fihla, ho ile ha etsahalang?

¹⁵⁸ Johanne, ha re a mo lata ho tla paka. Re ne re mo tsoere tlase mona, empa e seng ho paka, kamoo a kileng a biletsoa kathoko ho thutamolimo ea tsatsi leo, ho kena lefeelleng, hoba a ne a tla tsebahatsa, o ne a loketse ho tsebahatsa Messia.

¹⁵⁹ Be, hoja re ne re ka theohela sekolong, ho ntatae. Ho re, "Joale, 'na ke motsoalle e moholo oa ntate oa hau. Oh, e ne e le monnamoholo ea phahameng. Ke a mo rata. 'Me ke a tseba... Joale na ebe Moena Jones ha se Messia eo? Joale u a tseba, Johanne, hore ke eena."

¹⁶⁰ Le a bona, o ile a ikhetha. Mohla a neng a le lilemo tse robong, o ile lefeelleng, hobane e ne e le morati oa lefeella. Moea oa Elia o ne o lutse holim'a hae. 'Me Moea oa Elia; e ne e se Elia, e ne e le motho; e ne e le Moea oa Molimo ka Lentsoe letsatsing leo. 'Me o ile a kena lefeelleng. Eitseha a etsoa, o—o ne a tlameha ho tsebahatsa Kreste, e seng monna ea lokileng, empa "Eo u tla bona Moea o theohela holim'a Hae." E seng monna mosuoe ea khabane, e seng hobane monna e ne e le motho oa bohlokoaka ho fetisisa naheng letsatsing leo, empa, "Holim'a Eo Moea o Halalelang ka Sebele o itsebisitseng e le Lentsoe." Lona Lentsoe ka Sebele le tsebahalitse Lentsoe.

¹⁶¹ Joale O tsepisitse seo matsatsing a ho qetela. Jesu o ne a tla etsa, e be eena maobane, kajeno, le kamehla. Le a E lumela na? [Phutheho e re, "Amen."—Mohl.]

¹⁶² Joale ha re inamiseng lihlooho tsa rona motsotso feela. Ebang le tumelo. Le se belaele. Lumelang.

[Khaitseli o bua ka puo ese, a ntano fetola. Sekheo lebanteng—Mohl.] Ho lebohuoe Morena.

¹⁶³ Ho lokile. Esale Eena maobane, kajeno, le kamehla. Le a e lumela na? [Phutheho e re, "Amen."—Mohl.]

¹⁶⁴ Joale ebe O tsepisitse ho Inetefatsa ka'ng? Kahar'a motho, nama ea motho, joaloka ha A entse ho Abraham, "Mohla Mor'a motho..." E tla be e le Mora motho, e seng—e seng—e seng—e seng Mora oa Molimo joale; Mora oa Molimo ka har'a Mora motho. Ho Ezekiele, khaolong ea 1, temana ea 2, Jehova o bitsitse Ezekiele Mora motho, hantle feela seo Jesu a Ipitsitseng sona. Le utloisia seo, ka thuto ea veke. Joale, le a bona, Mora motho ke eng? Boporfeta. Malakia 4 e ne e le eng? Ho ba moporofeta. Lintho tsee tse neng li tla etsahala matsatsing a qetelo e ne e le life? Joale, ha A bolela neng. O itse li tla etsahala, 'me li etsahetse. Joale, lona, haeba E sa ntse e le Mora Molimo, Mora motho; ho

itokisetsa ho senoloa matsatsing a ho qetela holim'a terone ea Davida, joaloka Mora Davida. Le a bona, hlokomelang, haeba Eena . . . Haeba e lokile O tsepisitse hoo, O tlamehile Lentsoeng leo. O tlamehile Lentsoeng leo.

¹⁶⁵ Joale u ame mophetho oa seaparo sa Hae ka tumelo ea hau. 'Me ke hlahisitse litseko tsena. Haeba e le ea Molimo, e tla phetheha; haeba e se ea Molimo, e ke ke ea etsahala. 'Me seo ke sona feelsa seo e leng 'nete feelsa, ho bona haeba e le eona, re le har'a balimelu kapa che. Joale u tlameha ho ba molumeli, joalokaha le 'na ke le molumeli. Le uena u lokela ho lumela hore sena ke 'Nete. Haeba u e lunmela, e tla etsahala. Joale rapelang, e mong le e mong oa lona, le lumele ka mokhoa oa lona.

¹⁶⁶ Ha re qaleng lephakong le leng, ho tsepamisa maikutlo lephakong le le leng feelsa. 'Me feelsa, ke batla lephako lena mona pel'a lebota, kae-kae, le lumele. Ebang le tumelo. Le se belaele. Lumelang feelsa, ho re, "Morena!"

¹⁶⁷ Le se talime ho 'na joale, le a bona. Le ka ntalima, empa, talimang, tumelo ea lona e talime ka nqane ho moo. O ka ntalima ka mahlo a nama, empa ak'o Mo talime ka mahlo a hau a tumelo, hore ke Lentsoe leo. 'Me—"me O mpile a fetola semonkoane sa Hae, le a bona, ho tsoa ho se neng se sa bonoe ho fetela ho se tlalehoang ka bottlalo, Lentsoe le entsoeng nama. Ebang le tumelo.

¹⁶⁸ Joale le se ke la phethesela joale. Khutsang le re tu, ka hlompho. Le tla lokoloha, nakoaneng; empa khutsang le re tu, ka hlompho.

¹⁶⁹ Joale, eona, ke eng? Ke neo. Neo ha se ho kokosa, ntho e kang sabole, u ntoo tloha, ho tebela le ho hula. Ha se eona. Neo ke ho itlosa tseleng, Moea o Halalelang a tle a sebetse 'meleng oa motho. U se ke ua leka ho re, "Tlotliso ho Molimo, ke fumane neo! Ke fumane neo, alleluia!" U ke ke oa e fumana le ka mohla. Haeba u tseba feelsa ho itlosa tseleng!

¹⁷⁰ Ho tšoana le ho kena gereng. Le a bona? Iphetolele ho tumelo, ho tloha ho se lumeleng, rutla gerenyana morao mono, ho re, "Be, esale ke batla ke belaetse, empa ruri, joale, ke a lumela joale." Joale elelloang se etsahalang ke hona. Etsang hoo hang feelsa le bone se etsahalang. Rapelang feelsa.

¹⁷¹ 'Me ke ntse ke leka ho itokolla molaetseng, ho kena neong. Neo, ho, hore Lentsoe le tle le Itsebise ka—ka, joaloka Baheberu 4:12 ho re, "Lemoha, ho tseba mehopolo e ka pelong."

¹⁷² Rapellang hofe ho phoso ka lona. Rapela, le ho re feelsa, "Molimo, ke—ke a hloka. Monna ha a ntsebe, empa ke a hloka."

¹⁷³ Ka Lebitso la Jesu Kreste, Mora oa Molimo, bakeng sa khanya ea Molimo, le ho latela Lentsoe la Molimo leo ke sa tsoa le rera, ke beha moea o mong le o mong ka mona tlas'a taolo ea ka.

¹⁷⁴ Joale, ho sa tsotelehe se etsahalang... Ho ka etsahala ntho motsotsong feela. Mosomi o teng o lutse mona, 'me ke hopola feela ntho e le mothating oa ho etsahala. Le a bona? Ka hona le apare hlompho ea sebele. Haeba ntho efe e sitisoa, lulang le le khutsitse tu. Le lule le khutsitse tu, le tlohele motho eo ho etsa seo ba tleng ho se etsa. Shebang se etsahalang. Le ba tlohele ba nke khato, 'me le bone se etsahalang. Le tla bona haeba E le Modimo kapa che. U lokela ho 'Mona ntoeng. Le 'Mone pholisong; Mo shebeng ntoeng. Satane o leka ka bokhoni ba hae ho e etsa. Le mpe—le mpe le mo tloheleng a e etse hang, le bone se etsahalang.

¹⁷⁵ Motho e mong o lutse mona esale a sotleha, o lutse hantle tlase mona, monna le mohatsa'e. Tšali o ntse a rapela. Tona o ntse a mo rapella. Ke maemo a methapo, methapo sefahlehong. E batla e le mosali ea litho. Monna oa hae o apere hempe e tšoeu. O mo behile matsoho. Hoo ke 'nete. Phahamisa letsoho la hau, haeba hoo e le 'nete, haeba e le seo u se rapellang. Se tšoenyehe. E tla khaotsa. Ke tsepiso, ha u ka lumela. U ammme seaparo sa Hae.

¹⁷⁶ Mofumahali o teng o lutse hantle morao mona ka lephakong *lena*, o tšoenngoa ke bothata ba botše hali. Ke a tsepia o... Oho Molimo! Mof. Reed, u a tseba hore ha ke u tsebe. Empa hoo ke 'nete, na ha ho joalo? U ne u rapela, "Morena, nkauhele." O e entse. E tla u lesa joale. U lumele ka pelo ea hau eohle. U se ke ua belaela. U be le tumelo.

¹⁷⁷ Mona, mofumahali ke enoa o lutse hantle mona ntlheng, a roetse katiba e lerootho. O ntse a rapella... Ke bothata. O na le bothata. Na ha le bone Leseli leo le lepeletseng holim'a hae mono? Le a bona? O inamisitse hlooho. O na le bothata ba mangole a hae. O lemetse mangole. O ile a oa a lemala mangole. Le a bona? Ha ke mo tsebe; Modimo o tseba seo. Empa eo ke 'nete, na ha ho joalo, mofumahali?

¹⁷⁸ Mona, beha mofumahali ea pel'a hau letsoho; ho tla ho eena hantle ka kotloloho. O tšoeroe ke boemo ba methapo. 'Me boemo boo ba methapo bo... O na le bothata ba leihlo. 'Me mahlo a entsoe karo, a bakile hoo. Ho lokile, ha ho joalo? Phahamisa letsoho la hau. Ha u ka lumela!

¹⁷⁹ Mofumahali enoa e mong o ne a phahamisitse letsoho la hae mono mabapa le eena, ea batla e mo hlasimolla. Empa lebaka, haeba u ka... U a lumela Molimo o ka mpolella bothata ba hau? Ke maqaqailaneng a hau. Haeba ho le joalo, hloehla letsoho la hau *joalo*. Ho lokile.

¹⁸⁰ O boletse A tla etsa'ng? "Esale Eena maobane, kajeno, le kamehla." Na le lumela seo?

¹⁸¹ Monna ke enoa o lutse ka pel'a ka. O tšoeroe ke ramatiki. Eena ruri... Ha ke tsebe haeba a tla e fumana kapa che. Ke monna e ka ba thaka ea ka. O tšoeroe ke ramatiki. Ha a tsoe

mona. O tsoa Kansas City. U a lumela Molimo o tla u folisa? U a lumela Molimo a ka mpolella lebitso la hau? Mongh. Francis. Na u lumela ka pelo eohle ea hau. O ne a leka ho u khothotsa eona, monghali. 'Me eena—eena... O ne u nahana hoba ke bolela monna e mong, empa e ne e le uena. 'Me eitseha ke rialo, ua arubetsoa ke maikutlo a hlollang, a monate haholo a mofuthu ruri. Haeba ho lokile, tsokotsa letsoho la hau ka mokhoa *ona*.

¹⁸² Hape, mohatsao o lutse mono, ke Mof. Francis. Le eena o jeoa ke ramatiki. 'Me o na le bothata ba mahlo, le bothata ba litsebe tsa hae. Na ho joalo? Ke hantle.

¹⁸³ Mofumahali ea lutseng pel'a hae, hantle pel'a hae mono, o tšoeroe ke methapo ea varicose. Hantle. Phoso ea hae e ka hare, ntho ea mofuta... Ke bothata ba senya. O jeoa ke senya. O boetse o tsoa Kansas City. Mof. Gregg. Ke hantle.

¹⁸⁴ Haeba ke le osele ho lona ka botlalo, phahamisang matsoho a lona ka mokhoa *oo*, e le hore, ke bolela, batho bana ba bitsitsoeng mona, phahamisang matsoho a lona, lona batho ba sa tsoa bitsoa lekhatheng leo, haeba ke le osele.

¹⁸⁵ Ke eng? Oona Molimo O theohileng ka nama ea motho, 'me oa ja nama oa noa lebese. 'Me Jesu a re... 'Me Abrahama o boletse, ke rialo, ha thoe E ne e le "Elohim," Molimo o bonahetseng nameng. Jesu o itse, "Joalokaha ho bile letsatsing leo, hore Jehova, Mor'a motho hape, ka sebōpeho sa boprefeta, joalokaha A entse, o tla khutla hape matsatsing a qetelo," pejana mebele ea lona e fetoha. Rona, re be re ke ke ra khona... Le a bona, Sara o ne a ke ke a fumana lesea leo 'meleng oo, na o ne a ka khona? Abrahama a ke ke a khona, 'meleng oa hae. 'Mele oa hae o ne o lokela ho fetoloa. Le ea rona e joalo, ho amohela Mora. Nka Lentsoe, 'me Ke Mora. Ke Lentsoe. Le a lumela?

Joale inamisang lihlooho tsa lona nakoana feela.

¹⁸⁶ Ka ho hlaka, ka pelo eohle ea hau, na ebe Molimo o a lokafatsoa ho etsa litsepiso tsee? Na le a lumela Lentsoe la Hae ke 'Nete? Na le a lumela lipaki tsena ke lipaki tsa bohata feela, hore ba ne ba se na tumelo ea ho e lumela qalong? Lona le moifo o thusang moahloli le moahloli hape. Moifo ka mong oa baahloli o tlameha ho etsa qeto, moahloli o tlameha ho liha kahlolo. Na le entse qeto ea hobane leo ke Lentsoe la Molimo, la Mareka 16, ke 'Nete? Haeba u entse joalo, phahamisa letsoho la hau. Ke hlahositse lipaki temeng, tse tileng ka ho tšoana joaloka matsatsing a qetelo, le ho paka hore Lentsoe la Molimo le ne le nepile. 'Me Lentsoe la Molimo le tšepisa sena matsatsing a ho qetela. 'Me ke 'na enoa, 'me ke lona bana, ka pel'a lona, ho paka ba bang bohle, e mong le e mong oa lona. E mong le e mong oa lona a ka bitsoa, ka bonngoe ka bonngoe, ka mokhoa *oo*, haeba le e lumela. Botsang batho bana, buang le bona, moo Moea o Halalelang o ileng oa mema.

¹⁸⁷ “U etsang joale, Moena Branham?” Ho leka ho E balehela. E lula e etsahala hohle ka moahong; u e bona feela e halima.

¹⁸⁸ Le a bona, ka seo, ke leka ho etsa hore le e lumele. Ebang le tumelo ho Molimo. E lumeleng. O a lokafatsoa ho ngola sena. O e thasisitse, le ho e paka hore ke 'Nete. O e porofetile, lilemong tse mashome a mararo tse fetileng, 'me e pakiloe kajeno. O e buile, lilemong tse likete tse peli tse fetileng, 'me e kholisitsoe kajeno. Lentsoe la Hae ke 'Nete. 'Me Lentsoe le leng le le leng la Molimo le bululetsoe, 'me kaofela ha Lona ke 'Nete. 'Me Mareka 16 e itse, “Ba tla bea bakuli matsoho 'me ba tla fola.”

¹⁸⁹ Moifo oa baaahloli, qeo ea lona ke efe lekholtleng lee thapama ena? Na Jesu Kreste esale eena maobane, kajeno, le kamehla? Phahamisa letsoho la hau. [Phutheho e re, “Amen.”—Mohl.] Na le kholisehile ka bottlalo hore Mareka 16 ke 'Nete, Lentsoe la Jesu Kreste, “Ha ba bea matsoho a bona holim'a bakuli, ba tla fola”? Phahamisang matsoho a lona. [“Amen.”]

¹⁹⁰ Joale, Satane, u tlameha ho tsamaea. Mongh. Mosalumele, ha u sa na lebaka har'a rona hape. Mongh. Mobelaeli, kapa Mongh. Mohlokamamello, ha ke tsotelle hore e lieha hakae, e tla etsahala.

¹⁹¹ Na u mpitsa molumeli? Phahamisa letsoho la hau haeba u etsa joalo. Ke molumeli. Ke tla le rapella, ho le bea matsoho. Na le lumela balisa ba lona ba leng teng mona ke balumeli? Phahamisang matsoho a lona. Ho na le bareri ba bakae ba balumeli kantle? Phahamisang matsoho a lona.

¹⁹² Ke til'o kopa bareri ba balumeli ho tla mona motsotso feela. Na ho lokile, molisa? E phethahetse. Ke batla moreri ka mong ka mohahong ona, e leng molumeli, a tle koano 'me a eme le 'na nakona feela. Ke batla balumeli ba makhonthe joale. Hopolang, ha re batle baiphei-balumeli. Re batla balumeli ba sebele. Tloong koano le eme kalaneng. Ho tla bonoa ntho e etsahala joale. “Ke lumela hore u mpoleletse 'Nete.”

¹⁹³ Joale hopolang, le khutse tu motsotso feela, baruti bana ba sa tla, ke batla ho le bolella taba. Joale eng, ho tla etsahala'ng? Khato ea lona, ho latela khato ea lona... Motho o thelletse. Ho lokile. Khato ea hau, ho qala mona ho ea pele, e tla ba kahlolo ea hau. Ba lumelang hoo ba bakae, phahamisa letsoho la hau.

¹⁹⁴ Joale e mong le e mong ea nang le—ea nang le e—setlankana sa thapelo, a eme lehlakoreng le letona mona, fetelang lehlakoreng *lena*. Lona, e mong le e mong la ea emeng meleng ea litulo, tsoang le eme letsohong le letona la mocha oa lona, ka letsohong le letona la mocha oa lona.

¹⁹⁵ Joale bao ba ntlheng ka koana, ba tla lokela ho tla le ka *mona*. Ho lokile.

¹⁹⁶ Bana bohole ba ka lehlakoreng *lena*, ba nang le likarete tsa thapelo, ba eme mocheng *ona*; ka mokhoa ona, ka letsohong

le letona. Leo e tla be e le letsoho le letšehali. Ke masoabi. Lehlakore *lena* ka mona e tla be e le letsoho la lona le letona. Leo ke letsoho la lona le letšehali. Joale tloong le pote joalo hantle, le fole mola oa lona.

¹⁹⁷ Joale lona bareri bohle tloong mona le fole mela e menahaneng, hantle ka nqa ena, mela e 'meli hantle ka nqa ena; hantle ka nqa ena *mona* le hantle ka nqa ena *mona*, e mong le e mong oa lona.

¹⁹⁸ Joale ba lumelang ba lona ba bakae? Phahamisa letsoho la hau, ho re, "Joale hape ke batla ho supisa Molimo hobane ke lumela Mareka 16 e le 'Nete," phahamisa letsoho la hau. "Joale ke a e amohela."

¹⁹⁹ Ba bakae kantle mono ba sa tl'o kena moleng oa thapelo, ba tla be ba rapella bana ba moleng oa thapelo, 'me sehlopha sohle sa rōna hammoho re tla be re rapela joaloka balumeli? Phahamisa letsoho la hau.

Joale ha re rapeleng.

²⁰⁰ Morena Jesu, Uena u Molimo. Uena U moholo eo "KE TENG," e sang "Ke ne ke le teng" kapa "Ke tla ba teng." Ke Uena "KE TENG," lekhatle-le-joale. Ha ho matla a ka emang tseleng ea Hau. Uena u Molimo, 'me ha ho ea tšoanang le Uena. U thasisetsa Mantsoe a Hau. U re paketse eona, ka lipaki thapama ena nyeoeng ena; moifo ona oa baahloli, hape le lekhotla lena, le baahloli ba tlang ho ba teng.

²⁰¹ Re hlahisitse nyeoe, ka toka. Re nkile se builoeng ke sera. Re nkile seo mochochisi a se buileng. Re nkile seo lipaki tsa hae li se buileng. Re e khutlisitse ka bopaki ba Paki ea Moqosuo, 'me O pakile Molimo o lokafatsoa ho bua lipolelo tsena, hobane ehlile U a e phethahatsa, ho molumeli, ka lipaki tse ngata ho feta tseo mosalamele a ka hlahisang lipaki kateng. Joale re a tseba hore ke 'nete. E itšetlehile feela haeba batho ba Le ahlotse e le 'nete, Lentsoe la Molimo e le 'Nete.

²⁰² Aba sena, Morena, hore e mong le e mong ea fetang moleng ona mona... Ntate, banna bana ba emeng mona. Hoba ke tlohe, motho a ka re Moena Branham o ile a ba beha matsoho, empa ke batla ha batho ba tseba hobane balisa bana ba na le tokelo e lekaneng ho beha bakuli matsoho hakaalo ka motho mang. Ha baa tlameha ho emela moevangeli oa nako-e-ikhethang ho fihla, empa molisa oa bona ka seqo o na le tokelo ea ho ba beha matsoho. Molimo, aba seo, motho mang le mang ea fetang lethathameng lena la matsoho mona kajeno; a ba bitsitsoeng le ba khethiloeng ke Molimo, ho beha bakuli matsoho.

²⁰³ Re itseba matsoho a rona a sa halalele, empa ha re ichebe borona. Re shalima sehlabelo sa rona, Jesu Kreste, eena maobane, kajeno, le kamehla, Ea lutlang mali pel'a terone ea Molimo joale, ho re hloekisa, ho phethisa thomo

ea Hae. Aba sena, Morena, hore monna e mong le e mong, mosali, moshanyana, kapa ngoanana, ea fetang mona, a tlohe sefaleng sena, ba thabile, eka holane ba phetse ka tloaelo ba hlapohohetsoe. Aba sena. Qeto ea balekhotla bana, eo ba tlalehang, O ne a lokafalitsoe, 'me joale kahlolo eo ba e lihang e tla ba botšoro ba bona ho qala mona le kamorao ho mona. Re thusen, Molimo, ka Lebitso la Jesu Kreste. Amen.

²⁰⁴ Moena Roy Borders kapa moetapele e mong oa lipina, ha u ka tla mona nakoana feela 'me oa etellapele. Joale ka mahlo a lona a koetsoeng.

²⁰⁵ Joale le ka kena hantle feela moleng, ha mola oa lona o ntse o feta. Tloong le fete le mona. Re rapetse, e mong le e mong oa banna bana. Lebaka la ka ho ba beha holimo mona, e ne e le lena. Joale lona ka *mona* le tla lokela ho theoha le ka tsela *ena* 'me le kene moleng le bana hantle, le bana ba mona, ha ba ntse ba tsoa, le a bona. Hantle. Joale emang feela ho fihlela ba... Emang ho fihlela ba tloha. Emang hofihlela mola *ona* o tsoa; ebe uena, mofumahali. Hantle mona, khaitseli, ema hona mono hantle. U a bona, ema hona mono, u a bona. Liashara, ba bang ba lona le ka ba thusa mono, le a bona. Le a bona, le tlameha ho lumella mela *ena* ho tsoa, mela *ena* e tsoe, 'me mola *ona* o ba latele, le a bona, ho feta.

²⁰⁶ Joale haeba u feta mona feela ka ho hakanya, ho hakanya feela, tsoa moleng; e ka u mpefatsa le ho feta. Empa haeba u feta mona, u lumela, ha ho letho le ka e ntshang ho uena. Ba bakae ba tsebang ho tsoa mona, ena ke nako ea ho rarolla lintho? Uena ea moleng, ea reng, "Ke eona ena. Ke a e lumela. Ho ke ke ha hlola ho tletlebjoa ka eona. Ho felile, hona joale. Ke amohetse Lentsoe la Molimo." Haeba u sa etse joalo, u se kene moleng, joale. U lumele ka pelo eohle ea hau, le ho tla.

²⁰⁷ Molimo o Inetefalitse ka Lentsoe, le bopaki le nyoe, e tsoeletseng hona joale hantle, "eèna maobane, kajeno, le kamehla." Ha ho a sala letho haese ho bea bakuli matsoho, 'me ba tla fola. Balisa ba lona ke bana. Le a ba tseba hore ke balumeli. Ke baalosi ba lona.

²⁰⁸ 'Me ha ke batle hore le tleloe ke maikutlo a hore 'na, Oral Roberts, kapa motho e mong, ke eena feela motho ea khethetsoeng ho etsa sena. Moreri e mong le e mong o khethetsoe ho e etsa. Molumeli e mong le e mong, e ka bang moreri, kapa che, o khethetsoe ho e etsa. Motho e mong le e mong ea lumelang, o na le tokelo ea ho bea matsoho holim'a bakudi, 'me ba tla fola.

²⁰⁹ Ha ke re molisa oa hau kapa mang o tla be a otliroe ka neo ea temoho ea moea. Ha ba lokeloe ke ho etsa seo; eo ha se pitso ea bona. Eo ha se pitso ea bona, ho etsa hoo. E ka khona e be a le mong mongoaheng.

²¹⁰ Empa—empa re a fumana, hore u bitsitsoe, joaloka molumeli. “Mehlolo ena e tla *ba latela*,” ha e supe motho ofe, “*ba lumelang*.” Na le e lumela ka pelo eohle ea lona joale.

²¹¹ Moena Roy, u ka phokola sefela, *Lumela Feela*. Bohle ba lutse thapelong. Bareri, ha ba feta, le ba behe matsoho. ‘Me balumeli le metsoalle, etlereha le feta mona, le se ke la belaela le hang kelellong ea lona; fetang hantle feela moleng, le ho tsoa mona, le re, “Ho phethehile.”

²¹² Joale hopolang, le ne le le moifo oa baahloli tsekong ena. Le ne le phahamisitse letsoho la lona la re le lihile kahlolo ea lona. E mong le e mong oa utloisia, e reng “amen.” [Phutheho e re, “Amen.”—Mohl.] Le se le lihile kahlolo ea lona. Joale seo u se etsang ho qala mona ho ea pele se tla paka haeba u boletse ‘nete kapa che. Kahlolo ea hau—ea hau e tla e tla lihuoa ka seo u se etsang ho tloha mona. E tla ba eona. U tla ba moifo oa baahloli le moahloli. Haeba u e lumela kannete, e tlameha ho etsahala. Haeba u iqapetse eona, e ke ke ea etsahala.

²¹³ Hoba, e pakiloe ke Lentsoe, ka Boteng ba Molimo, ka ntho e ‘ngoe le e ‘ngoe e leng teng. E teng ntho e setseng ho etsoa? Haeba A ka fihla mona hantle, thapama ena, na A ka u folisa? Che, che. O se a e entse. Le a bona? O tsohle. . . Ha ho a sala letho le lokelang ho etsoa joale. O Iponahalitse mona, ka Lentsoe, ho pakiloe ntho e ‘ngoe le e ‘ngoe. Ntho feela eo u lokelang ho e etsa. . . U entse qeto, u utloile nyoe, u lihile kahlolo, joale tloo u bontshe kahlolo ea hau. Amen. Molimo a u hlohonolofatse.

²¹⁴ Ho lokile. [Moena Borders o qala a etella phutheho ka sefela *Lumela Feela*—Mohl.]

²¹⁵ Rapelang joale, baena. ‘Me e mong le e mong oa diashara a lese batho ba fete. Emellang haufi joale. Monna e mong le e mong a ame ngoana eo, ho ama bohle. Monna e mong le e mong a ame batho bao, ka tumelo joale. Koala mahlo a hau. [Moena Branham le bareri ba rapela ba Bea batho matsoho. Sekheo lebanteng—Mohl.]

Lumela feela,
Tsohle li lokile, lumela feela;
Lumela feela, lumela feela,
Tsohle li lokile, lumela feela.

²¹⁶ Joale na le ka se bina ka mokhoa ona, “Joale ke a lumela, hona joale ke a e lumela”? Na u entse hoo? Phahamisa letsoho la hau, ho re, “Ke e lumela ruri.” “Mehlolo e tla tsamaea le ba lumelang ke eona ena!”

Tsohle li lokile, joale ke a lumela;
Oh, joale ke a lumela, joale ke a lumela,
Tsohle li lokile, joale ke a lumela.

²¹⁷ Nakoana e fetileng, lilemo tse ka bang leshome le metso e mehlano tse fetileng, ke sa hopola bosiu bo bong ha ke biletsoa

kokelong, ho moshanyana a bolaoa ke lefu la diphtheria e ntšo. Ho ne ho le... pelo ea hae e se le mpe. 'Me ntate a sa phetse ho etela kopano, ho—ho etsa hore ke rapelle moshanyana. 'Me moshanyana a ka ba lilemo tse leshome le metso e mehlano, leshome le metso e tšeletseng. 'Me ke ne ke le maphathe, ke ne ke sa khone ho e etsa. 'Me qetellong... Haeba—haeba—haeba—haeba u e isa ho e mong, ke e mong hape, le a tseba. Eaba ntate o lula a tšoareletse, a letile ho fihlela nako e fihla. Qetellong, bosiung bo bong ka mora tšebeletso, ka ea kokelong. Be, ngaka e ile ea mpolella hore nke ke ka khona ho kena. A re, "Hobane, e—e moshanyana o tšoeroe ke diphtheria, 'me o monna ea nyetseng 'me u ke ke ua kena ua tšoaetsoa ke kokoana eo."

²¹⁸ Che, ka mo kopa, "Ke u kopa ho ntumella ho kena feela." Monna eo e ne e le Mokatolike. 'Me ka re, ka re, "Na u Mokreste?"

A re, "Ke Mokatolike."

²¹⁹ Ka re, "Holane moprista a ne a eme mona 'me a leka ho sebeletsa—ho sebeletsa moshanyana litšoanelo tsa ho qetela tsa kereke, na u ka e amohela?"

²²⁰ A re, "Hoo ho fapane. Eo ke moprista. U monna ea nyetseng."

Ka re, "Ha nka tekena pampiri, ho jara boikarabelo bohle?"

A re, "Nke ke ka etsa hoo, monghali."

²²¹ 'Me ka re, "Ka kopo hle." Ka bua sena, "Ho batho bao ke itšoanelo le moprista ho uena."

²²² Qetellong, a nkapesa liaparo tsa Ku Klux Klan, lintho tseo tsohle tse tšoeu, le ho nkenya ka hare, 'me ka ea ho moshanyana. O ne a ilibane, matsatsi a mabeli kapa a mararo. Pelo ea hae e batla e sa otle feela. Ke lebetse phefumoloho e kae; e le nyenyane haholo, e batla e lutla, e otla. 'Me ntate oa khale le mè ba ne ba eme mono.

²²³ 'Me ka khumama feela, le ka thapeloana e nyatsehang feela, ka mo bea matsoho, ka re, "Morena Jesu..." Ka sebelisa Lengolo lena. "U itse, 'Mehlolo ena e tla tsamaea le ba lumelang.' Ntate le 'mè ke bana, ba ka ba be sa tiisetza ba nqophella ho bea moshanyana eo matsoho hoja ba ne ba sa e lumele. 'Me, Morena, nka be sa tla mona joaloka sesomo. Ke a lumela seo ke se buileng le ho se ruta ke 'Nete.'" 'Me ka re, "Ke hlohonolofatsa moshanyana, ka Lebitso la Jesu Kreste; a phele."

²²⁴ 'Me eitseha ke ema, ntate le 'mè oa khale ba qala ho hamarelana, le ho re, "Na ha ho babatsehe, 'mè! Na ha ho babatsehe!" Moshanyana o ne a sa fetoha le hanyenyane; haese ho robala mono feela. 'Me ka—ka ba sheba.

²²⁵ 'Me mooki e monyenyanne a eme mono, e ne e le mooki ea ikhethang, moithuti, 'me a le mono a hlokometse moshanyana. 'Me a re ho 'mè, a re, "U ka itšoara joalo joang, athe u tseba moshanyana oa hau a eshoa?"

²²⁶ 'Me ntatemoholo, a shebeha, oh, ke a kholoa, a le lilemo tse mashome a mahlano a metso e robeli, mashome a tšeletseng, a mo bea matsoho mahetleng, joalokaha ntate oa motsofe a ka etsa. A re, "Ngoana," a re, "moshanyana eo ha a shoe," a rialo.

²²⁷ "Mohlomphehi," ho re, ha ke tsebe hore sena e ne e le eng, k'hadigrafo ea mofuta kapa ho hong, ho re, "phefumoloho ea hae—ea hae e theohile haholo, ka baka la lefu lena, ha le tsebjoe nalaneng, ha e ka fihla maemong ao, hore e ka boela ea khutla hape."

²²⁸ 'Me mopatriareka oa khale a kalola mahlo, a mo sheba. Ha ke sa tla lebala sena le ka mohla. A re, "Moratuo, u shebile chate. U koetlisitsoe ho se sheba. 'Na ke shebile tsepiso eo Molimo o e entseng. 'Ha ba bea matsoho holim'a ba kulang, ba tla fola.'" Moshanyana o nyetse 'me o na le bana ba bararo, ke moromuo a Afrika. E itsetlehile ka seo u se shebang.

²²⁹ Joale ba bang ba ka ba teng mona, ba fihlileng mona, ba sa fumana setlankana sa thapelo. Ke kopile mora tlase mono. A re, "Ha ho pelaelo bongata bo teng morao mono, ntate, bo sa fumanang setlankana sa thapelo."

²³⁰ Ke balumeli ba bakae mona ke hona? Phahamisang matsoho a lona. Na le tla etsa sena re sa bina, "Joale ke a lumela"? Joale Molimo o bile molemo ho lona. Na le ke ke la khona, joaloka molumeli... Ha ho etse phapang hore ke matsoho a mang, ha feela e le molumeli. Le a bona? Na le ka beana matsoho feela, 'me re tla bina sefela sena 'moho, "Joale ke a lumela." 'Me ho fihlela ke kopana le lona, Modimo a be le lona!

Joale ke a lumela,

Ke hantle, beha motho ea haufi le uena matsoho.

Joale ke a lumela,

Tsohle (ho sa tsottelehe phoso, tsohle li ka etsoa) li ka ets-... (Ka Lebitso la Jesu, hlohonolofatsa bana.)

Joale ke a lumela, oh, joale... ("Joale ha ke soasoe. Che, hona joale ke a e etsa.")

Tsohle li lōkile, oh, joale ke a lumela.

²³¹ Joale bohole ba e lumelang, phahamisang matsoho a lona *tjena*, "Ke a e lumela joale." Molimo a le hlohonolofatse.

Ho fihlela re kopana!... kopana!

Maotong a Jesu re kopana; ho fihlela re kopana!

Ho fihlela re kopana; ho fihlela re kopana!
Molimo a u sitse re be re kopane!

Joale ka lihlooho tsa rona tse inamisitsoeng.

Ho fihlela re...

²³² Molimo a be le lona, kannete, ho phutla maqhubu a tšosang a lefu ka pel'a lona, ho le tlosa tlholong ho ea tlholong. Ka tsatsi le leng, mebele ea rona e ke e fetoloe 'me e etsoe joaloka 'mele oa Hae ka Sebele o khanyang, teng ha re sa tla rapella bakuli. Ho fihlela mohlang oo, Molimo a be le lona, ho fihlela re kopana. [Moena Branham oa bokolla—Mohl.]

Ho fihlela re kopana!

Molimo a u sitse re be re kopane!

²³³ Joale ha re inamiseng lihlooho tsa rona thapelong e koalang. Ke mang ea tla rapela? [Motho e mong o re, "Moena Gibson. Moena Gibson."—Mohl.] Moena Gibson joale, re sa inamisitse lihlooho tsa rona.



NYEOE SST64-0621
(The Trial)

Molaetsa wona, ka Moena William Marrion Branham, o rerilwe sethatong ka Senyesemane Sontaha thapama, Phupjane 21, 1964, mane Municipal Auditorium, Topeka, Kansas, U.S.A., o ntshitswe kgatisong ya teipi ya makenete mme o ngotswe o sa kgaolwa ka Senyesemane. Petolelo ena ya Sesotho sa Borwa e ngotswe mme e abjwa ke ba Voice Of God Recordings.

SOUTH SOTHO

©2022 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE
58 DISA ROAD, ADMIRAL'S PARK, GORDON'S BAY 7140 WESTERN CAPE
REPUBLIC OF SOUTH AFRICA

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Temoso Ea Tokelo Ea Qopitso

Litokelo tsohle li babaletsoe. Buka ena e ka porintoa ka porintara ea lelapa molemong oa motho eo kapa ea abjoa, ntle ho tefiso, e le thepa e jalang Evangeli ea Jesu Kreste. Buka ena e ke ke ea rekisoa, ea boela ea hilahisoa ka bongata, ea manehoa leboteng la website, ea bolokoa ka tsela eo e ka boelang ea ntšoa, ea fetoleloa ka lipuo lisele, kapa ea sebelisoa ho qela matlole ntle le tumello e ngotsoeng ea Voice Of God Recordings®.

Ho fuoa boitsebiso bo bong kapa bakeng sa thepa e nngoe e ka fumanoang, ka kopo ikopanye le:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org